

# 宋詞別集

王以寧王周士詞一卷

張掄蓮社詞一卷

仲并浮山詩餘一卷

朱敦儒樵歌三卷

劉子翬屏山詞一卷

全三冊

第一冊

曾協雲莊詞一卷

陳三聘和石湖詞一卷

蘇元吉南澗詩餘一卷

王之望漢濱詩餘一卷



王周士詞



王周士詞目錄

水調歌頭 二

驀山溪 二

鷓鴣天 三

浣溪沙 三

感皇恩

漁家傲

虞美人

南歌子

滿庭芳

念奴嬌

臨江仙 三

蹋莎行 三

慶雙椿


好事近 二

浣溪沙

鷓鴣天

王目

一



王周士詞

長沙 王以寧 周士

水調歌頭 裴公亭懷古

歲晚橋洲上老葉舞愁紅西山光翠依舊影落酒杯中  
人在子亭高處下望長沙城郭獵獵酒帘風遠水湛寒  
碧獨釣綠蓑翁 懷往事追昨夢轉頭空孫郎前日豪  
健頤指五都雄起擁奇才劍客十萬銀戈赤幘歌鼓壯  
軍容何似裴相國談道老圭峰

又呈漢陽使君

大別我知友突兀起西州十年重見依舊秀色照清眸  
常記鮪碣狂客邀我登樓雪霽杖策擁羊裘山吐月千

五

仞殘夜水明樓 黃梁夢未覺枕幾經秋與君邂逅相  
逐飛步碧山頭舉酒一觴今古歎息英雄骨冷清淚不  
能收鸚鵡更誰賦遺恨滿芳洲

滿庭芳

山聳方壺潮通碧海江東自昔名家玉真仙子璫佩粲  
朝霞一種天香勝味笑楊梅不數枇杷難模寫牟尼妙  
質光透紫丹砂 咨嗟如此輩不知何爲留滯天涯料  
甘心遠引無意紛華一任姚黃魏紫供吟賞銀燭籠紗  
南游士日餐千顆不願九霞車

又鄧州席上

千古南陽劉郎鄉國依約楚俗秦風英姿豪氣蒼蒼笑

談中璫佩來從帝所許洲花潭菊從容霜秋曉涼生曰  
觀極目送飛鶴主公天下士揮毫萬字一飲千鍾醉  
高歌起舞喚醒人龍我自人閒漫浪平生事南北西東  
辭公去寒眸激電曾識小安豐

又陳覺叟雪中見過

五十七年侵尋老矣小庵初築林垌故人相遇喜雪舞  
祥雲徧野跳珠濺玉縱兒童收滿金瓶明年待洗光銀  
海袖手看昇平先生齊物久蟻罷戰蝸角休征趁  
尊前身健有酒須傾隨分村歌社舞何須問武宿文星  
忘懷矣未能忘酒相與醉忘形

又重午登霞樓

三

二

千古黃州雪堂奇勝名與赤壁齊高竹樓千字筆勢壓  
江濤笑問江頭皓月應曾照今古英豪菖蒲酒窳尊無  
恙聊共訪臨皋陶陶誰晤對粲花吐論宮錦初袍借  
銀濤雪浪一洗塵勞好在江山如畫人易老雙鬢難在  
昇平代憑高望遠當賦反離騷

驀山溪

和虞彥恭寄錢遜叔

平生堂上側瓊歌南浦醉望五州山渺千里銀濤東注  
錢郎英遠滿腹貯精神窺素壁棲鴉歷歷題詩處  
風裘雪帽蹋徧荆湘路回首古揚州沁天外殘霞一縷  
德星光次何日照長沙漁父曲竹枝詞萬古歌來暮

又游南山

珣弓繡帽戲馬秦淮道風入馬蹄輕曾蹋徧淮堤芳草  
飛英點點春事已闌珊風雨橫別離多斷送英雄老  
功名終在休惜芳尊倒談笑下燕雲看千里風驅電掃  
男兒此事莫待鬢絲勞漢都護萬年觴玉殿春風早  
念奴嬌淮上雪  
天工何意碎瓊瑤玉佩書空千尺翦笠蓑衫扁舟下淮  
口煙林如織飛觀嶙峋亭突兀影浸澄淮碧綸巾鶴  
警是誰獨笑攜策遙想易水燕山有人方醉賞六花  
如席雲重天低酣歌罷膽壯乾坤猶窄射雉歸來鐵鱗  
十萬蹋碎千山白紫簫聲斷喚回春滿南陌

王

三

雲收天碧漸風高露冷羣喧初寂遠浦歸舟荒渡口寒  
篷橫棹堤側一帶澄江十分蟾影千里寒光白襟懷迎  
爽有人獨步攜策遙想簾卷瓊樓凭闌凝望此意知  
何極聲斷秦簫雙鳳駕凌厲飛仙同籍問漢乘槎采珠  
臨海往事空蹤迹莫辭吟賞終宵清景難得  
又

晚煙凝碧漸漁村山市人歸寂寂有客飛舟還顧訪應  
訝綸巾敬側得意忘年淮誠投分高論追元白英標逸  
氣笑予窮抱真策興盡又復言歸秋風分袂浩蕩思  
無極咫尺昭山明翠壁那知中隱咸籍說夢難聽閉門  
尋夢肯念棲萍迹浪吟狂醉幾時還共重得

鷓鴣天壽劉方明

昔有書生薦壽杯清詞妙絕賀方回黃花也欲爲君壽  
先向重陽六日開躋楚俗上春臺政成歸去位三台

明年壽酒君王勸知有傳宣敕使來

又壽杜士美

帝乙何年騎玉龍武夷仙伯笑相從長庚瑞應游仙夢  
碧藕花開解愠風歌既醉樂元豐明良相悅壽無窮  
野人更有深深祝笑指三台十八公

三台壽松在南岳

又壽張徽猷

桃李紛紛春事催桐花風定牡丹開天麟下作人間瑞  
玉燕清宵入夢來紅玉酌紫霞杯五雲深處望三台

王

君家況有庭前柏好箇擎天八柱材

臨江仙和子安

眼看西園紅與紫年來幾度芳菲吾生四十漸知非祇  
思青箬笠江上雨霏霏飲酒但知尋夏季不須違慕  
安期丹成仙去是何時龜藏何必學春日正遲遲

又

此理循環如引鋸春來百草菲菲道人一笑悟前非功  
名眞長物夕鷲與朝霏夢褥清孫今祿隱漫郎自許  
風期江樓景物得旬時平蕪三百里天闊夕陽遲

又與劉拐

聞道洛陽花正好家家遮戶春風道人飲處百壺空年

年花下醉看盡幾番紅  
此拐又從何處去飄蓬一任  
西東語聲雖異笑聲同一輪清夜月何處不相逢

浣溪沙臘舟洪江步下

起看船頭蜀錦張沙汀紅葉舞斜陽杖屨驚起睡鴛鴦  
木落羣山彫玉□霜和冷月浸澄江疏篷今夜夢瀟

湘

又壽趙倅

艾勝迎薰壽縷長碧筍酒泛綠蒲香萬家喜氣在都梁  
小閣幽軒新料理舞衫歌扇且傳觴看君飛步小明

光

又張金志洗兒

王

招福宮中第幾眞餐花辟穀小夫人天翁新與玉麒麟  
我識外家西府相玉壺冰雪照青春小郎風骨已凌

雲

蹋莎行

夢褥光宗河東右族向來到耳聲華熟游從兩世記金  
蘭風流二阮居南北今夕何辰相親燈燭一塵我願  
依韋曲長君未可賦驪駒山人莫爲蒲輪促

又

我自山中漁樵冷族一北一壑平生熟榻來江海寄餘  
生心兵語穿頻奔北九里靈河十分光燭分輝借潤  
須鄰曲柳家兄弟莫瞋人狂奴小戶元低促



又

位正三槐光生九族人閒一夢黃梁熟邈來荆楚地行  
仙下居深在延原北笑問從前誰調玉燭當筵鮑老  
那能曲山中飲酒是生涯欲歸未果成煩促

感皇恩和才仲西山子

千古洞庭湖百川爭注雪浪銀濤正如許騎鯨詩客浩  
氣決雲飛霧背人歌欵乃凌空去我欲從公翩然鵠  
舉未願人閒相君雨笠簪短棹是我平生真語箇中煙  
景好煩公句

慶雙椿汪周佐夫婦五月六日同生

問政山頭景氣嘉仙家綠酒薦菖芽仙郎玉女共乘槎

五

六

學士文章舒錦繡夫人冠帔爛雲霞壽香來是道人

家

漁家傲

往事閒思人共怕十年塞上煙塵亞百萬鐵衣馳鐵馬  
都弄罷八風斷送歸蓮社賣藥得錢休教化歸來醉  
臥蝸牛舍一顆明珠元不夜非待借神光穿透諸天下  
好事近

詩客少微家世有斗南人傑一段素襟清韻似玉壺水  
雪懷中卿相飽經綸況是好時節我有太平歌頌待

形容賢業

又

白石讀書房世有斗南人傑一段素襟清韻似玉壺冰  
雪 仙家赤酒薦交梨道眼況超越來往十洲三島跨  
一輪新月

虞美人宿龜山夜登秋漢亭

歸來峰下霜如水明月三千里幽人獨立瞰長淮誰棹  
扁舟一葉趁潮來 洞庭湖上銀濤觀憶我煙蓑伴此  
身天地一浮萍去國十年華髮欲星星

浣溪沙張國泰生日

快雨疏風六月涼貂蟬人著綵衣裳肅然心拜玉鑪香  
相國趣還調鼎臯潘輿指日下瀟湘秋來江上接歸

航

五

南歌子李左司生日

未折江南柳先開隴上梅綠情紅意到根莖昨夜春隨  
和氣已歸來 忠力扶昌運沖和保聖胎陽功陰德好  
栽培他日騎鯨仙路指蓬萊

鷓鴣天劉運判生日

瑞雪當空舞素英玳筵收得滿金瓶洗教雙眼明如鏡  
看取黃河幾度清 龜界壽鶴爲形年年長願見儀刑  
他年林下逢彭祖喚作誰家小後生

蓮社詞

蓮社詞目錄

柳梢青

臨江仙

朝中措

浣溪沙

點絳脣

醉落魄

踏莎行

菩薩蠻

減字木蘭花

蝶戀花

西江月

燭影搖紅

霜天曉角

阮郎歸

西江月

朝中措

訴衷情

蝶戀花



蓮社詞目錄

柳梢青

臨江仙二

朝中措

浣溪沙

點絳脣十

醉落魄十

踏莎行十

菩薩蠻十

減字木蘭花十

蝶戀花

西江月

燭影搖紅

霜天曉角

阮郎歸十

西江月十

朝中措十

訴衷情十

蝶戀花十

蓮目

蓮社詞

張掄材甫

柳梢青

柳色初勻輕寒似水纖雨如塵一陣東風穀紋微皺碧  
沼鱗鱗 仙娥花月精神奏鳳管鸞絲鬪新萬歲聲中  
九霞杯裏長醉芳春

蝶戀花

前日海棠猶未破點點胭脂染就真珠顆今日重來花  
下坐亂鋪宮錦春無那 賸摘繁枝鬢幾朶痛惜深憐  
只恐芳菲過醉倒何妨花底臥不須紅袖來扶我  
臨江仙

蓮

玉宇涼生清禁曉丹葩色照晴空珊瑚敲碎小玲瓏人  
閒無此種來自廣寒宮 雕玉闌干深院靜嫣然凝笑  
西風曲屏須占一枝紅且圖敲醉枕香到夢魂中

又車駕朝享景靈宮久雨一夕開霽

聞道彤庭森寶仗霜風逐雨驅雲六龍扶輦下青冥香  
隨鸞扇遠日射赭袍明 簾卷天街人隘路滿城喜望  
清塵歡聲催起嶺梅春欲知天意好昨夜月華新

西江月 瑞香

翦就碧雲鬪葉刻成紫玉芳心淺春不怕峭寒侵暖徹  
薰籠瑞錦 花裏清芬獨步尊前勝韻難禁飛香直到  
玉杯深消得厭厭痛飲

朝中措

燈花挑盡夜將闌，斜掩小屏山。一點涼蟾，窺幔釧敲玉，臂生寒。起來無緒，爐薰燼冷，桐葉聲乾。都把沈思幽恨，明朝分付眉端。

燭影搖紅

上元有懷

雙鳳中天鳳樓十二，春寒淺。去年元夜奉宸游，曾侍瑤池宴。玉殿珠簾盡卷，擁羣仙。蓬壺闕苑五雲深處，萬燭光中，揭天絲管。馳隙流年恍如一瞬，星霜換。今宵誰念泣孤臣，回首長安遠。可是塵緣未斷，謾惆悵華胥夢短。滿懷幽恨，數點寒燈，幾聲歸鳥。

浣溪沙

和曾純甫題謝氏小閣

蓮

二

築室崢嶸占寶峰，退朝燕坐萬緣空。出塵高志抗冥鴻。何日嘉招陪一笑，看君豪飲釀千鍾。試憑鄙句作先容。

霜天曉角

曉風搖幕，敬枕聞殘角。霜月可窗，寒影金猊冷翠衾。薄舊恨無處著，新愁還又作。夜夜單于聲裏，燈花共淚珠落。

珠落

點絳脣 詠春十首

何處春來惠風初，自東郊至柳條花藥池。邈爭明媚造化難窮，誰曉幽微理都來是自然。天地一點沖和氣。

又

昨夜東風又還吹  
徧閒花草翠輕紅  
小觸處驚春早  
草舍茅誰丹竈  
別有陽和

又  
陽氣初生萬花潛動  
根芽暖暗藏芳豔  
未許東君見  
恰似温温鉛鼎丹初轉  
功猶淺九回烹煉  
日月光華滿

又  
暖日遲遲亂鶯聲  
在垂楊裏  
晝眠驚起花影閒鋪地  
試問榮名何似花前醉  
陶陶地任他門外車  
駕喧朝市

又  
花滿名園萬紅千翠  
交相映畫闌幽徑行  
樂迷芳景  
惟有幽人不與浮華競  
便幽靜興來獨飲花下  
風吹醒

蓮

三

又  
春入山家杖藜獨步  
登巖岫野花爭秀  
弄蘂香盈袖  
對景開懷莫遣雙眉  
皺春難久亂紅飛後  
留得韶光否

又  
氣體冲融四時長  
在陽春裏玉田瓊蘂  
養就靈苗異  
堪笑流水半落蒼

又  
樂事難并少年常恨  
春宵短萬花叢畔只  
恐金杯淺  
方喜春來又歎韶華  
晚頻相勸且聞強健  
莫厭花經眼

又  
一瞬光陰世人常被  
芳菲惱玉壺頻倒  
惟恨春歸早

何似逍遙物外尋三島春長好瑞芝瑤草春又何曾老

又

浮世如何問花何事花無語夜來風雨已送韶華暮

念此堪驚得失休思慮從今去醉鄉深處莫管流年度

阮郎歸詠夏十首

亭亭槐柳午陰圓薰風拂舜絃一輪紅日貼中天乾坤

如火然觀上象想丹田陽精色正鮮從煉得體純

全朱顏無歲年

又

欲如臭腐化神奇當觀蟬蛻時脫然飛上綠槐枝炎炎

書景

如斯

迷靈軀一旦脫

蓮

四

又

深亭邃館鎖清風榴花芳豔濃陽光染就欲燒空誰能

窺化工觀物外喻身中靈砂別有功若將一粒比花

容金丹色又紅

又

炎天何處可登臨須於物外尋松風澗水雜清音空山

如弄琴宜散髮稱披襟都無煩暑侵莫將城市比山

林山林興味深

又

豪家大廈敞千楹風搖玉柄輕金盆弄水復敲冰熱從



何處生 低草舍小茅亭如何安此身元來一念靜無  
塵蕭然心自清

又

金烏玉兔最無情驅馳不暫停春光纔去又朱明年華  
只暗驚 須省悟莫勞神朱顏不再新減除妄想養天  
眞管無寒暑侵

又

動時思靜暑思寒塵勞擾擾閒翻雲覆雨百千般幾時  
心地閒

仙

難將

然自然寒暑不相

又

蓮

五

誰言無處避炎光山中有草堂安然一枕卽仙鄉竹風  
穿戶涼 名不戀利都忘心閒日自長不須辛苦覓瓊  
漿華池神水香

又

炎炎暎日正當中澄潭忽此逢金丹乍浴表深功通明  
照水紅 丹浴罷樂無窮怡然百體融人閒何處不清  
風此懷誰與同

又

寒來暑往幾時休光陰逐水流浮雲身世兩悠悠何勞  
身外求 天上月水邊樓須將一醉酬陶然無喜亦無  
憂人生且自由

醉落魄詠秋十首

流光轉轂鳥飛兔走爭相逐火雲方見奇峰簇颯颯西風驚墮井梧綠隙駒莫歎年華速新涼且喜消炎酷休將閒事縈心曲紅滴真珠初醉玉醅熟

又

紅芳紫陌韶華

花弄

色不比西

風吹落

乾坤造化

都緣一氣潛相易

觀時感事成嗟惜惟有喬松不改舊時碧

又

清秋夜寂圓蟾素影流空碧都無一點浮雲隔河漢光微星斗淡無色日精欲煉須陰魄更深猶望清宵立

蓮

六

坎離二物都收得獨步瀛洲方表大丹力

又

秋高氣肅西風又拂盈盈菊按金弄玉香芬馥桃李雖繁其柰太粗俗淵明雅興誰能續東籬千古遺高躅人生所貴無拘束且採芳英澹灩泛醞醪

又

流年迅速君看敗葉初辭木若非壽有金丹續石火光中難保鬢長綠區區何用爭榮辱百年一夢黃粱熟人生要足何時足贏取清閒卽是世閒福

又

秋光瑩徹園林

如何宋玉

切作賦悲

涼草木

人自與

長歌清嘯無時節

又 瓮頭且飲 如雪不管春花亦不管秋月

又 虛窗透月寒莎敗壁蛩吟切沈沈永漏燈明滅只為愁人不為道人設 愁人對此成愁絕道人終是心如鐵 一般景趣情懷別笛裏西風吹下滿庭葉

又 光輝皎潔古今但賞中秋月尋思豈是月華別都為人閒天上氣清徹 廣寒想望幾瓊闕瑤瑤玉杵聲奇絕 何時賜我長生訣飛入蟾宮折桂餌丹雪

蓮

七

湖光湛碧亭亭照水芙蓉拆綠羅蓋底爭紅白恍若凌波仙子步羅襪 如今霜落枯荷折清香無處重尋覓 浮生似此初無別及取康強一笑對風月

又 秋宵露結清晨

潤

列名體纒

分功用

兒本是

養成方見仙凡隔

神仙不肯分明說多少迷人海上訪丹訣

西江月 詠冬十首

有限光陰過隙無情日月飛梭春花秋月暗消磨一歲相看又過 逢酒須成痛飲臨風莫厭高歌虛名微利兩如何識破方知恁麼

又雪似瓊花鋪地月如寶鑑當空光輝上下兩相通千古  
誰窺妙用若悟珠生蚌腹方知非異非同陰陽相感  
有無中恍惚已萌真種

又卷地朔風凜凜漫天瑞雪霏霏圓林萬木變枯枝因甚  
松篁獨翠只爲春花競發卻教秋葉爭飛若無榮盛  
便無衰悟此方名達理

又密布同雲萬里六飛玉糝瓊鋪清歌妙舞擁紅爐猶恨  
寒侵尊俎誰念山林路險獨行跣足樵夫莫驚苦樂

殊途陽皆由陰注

又雅士常多雅懷雪溪舟來興盡

何須見戴恰似雲出岫豈拘字內形骸超然物外  
遠塵埃到此方爲自在

又冬至一陽初動鼎爐光滿簾幃五行造化太幽微顛倒  
難窮妙理遇此急須進火速修猶恐遲遲茫茫何處  
問天機要悟須憑師指

又一夢浮生未覺三冬短暑堪驚天高誰解挽長繩繫住

流年光景 須信陰陽有定非關歲月無情若教心地  
湛然清日在壺中自永

又

四序常如轉轂百年須待春風江梅何事向巖冬早有  
清香浮動 只爲六陰極處一陽已肇黃宮陰陽迭用  
事何窮此是乾坤妙用

又

獨坐閒觀瑞雪方知造化無偏不論林木與山川白玉  
一時裝徧 梁苑休尋賦客山陰莫上溪船三杯醉  
意陶然夢 瑤臺闔苑

又

蓮

九

仙道於人不

坎離

無窮不信

浮生一夢 君看 宵雪尋常見 眼消鎔能令新舊  
再相逢此是如何作用

踏莎行 山居十首

朝鎖煙霏暮凝空翠千峰迴立層霄外陰晴變化百千  
般丹青難寫天然態 人住山中 年華頻改 山花落盡  
山長在浮生一夢幾多時有誰得似青山耐

又

一道飛泉來從何許空山積翠無人處潺湲時和七絃  
琴溟濛忽散千巖雨 不問春秋何拘今古清音一聽  
忘千慮纓塵濯盡百神閒飄然襟袖思輕舉

又  
一片閒雲山頭初起飄然直上虛空裏殘虹收雨簷奇  
峰春晴鶴舞丹霄外出岫無心爲霖何意都緣行止  
難拘繫幽人心已與雲閒逍遙自在誰能累

又  
人遠山深草

天真性

長在山

中肯

似幽

心盡超然心

隱  
水作生涯百年甘守空山靜

又  
堪笑山中春來風景一聲啼鳥煙林靜山泉暖奏笙  
簧山花雨過開雲錦短棹桃溪瘦藤蘭徑獨來獨往

又  
乘幽興韶光回首卽成空及時樂取逍遙性

又  
人問山中因何無暑山堂恰在山深處藤陰滿地走龍  
蛇泉聲萬壑鳴風雨且弄青松休揮白羽相逢況有  
煙霞侶長天一任火雲飛夜涼踏月相將去

又  
秋入雲山物情瀟洒百般景物堪圖畫丹楓萬葉碧雲  
邊黃花千點幽巖下已喜佳辰更憐清夜一輪明月  
林梢挂松醪常與野人期忘形共說清閒話

又  
雪擁羣峰靜

居

破殼栗黃

香柴

君好

貴足人爭山中恬淡能長保

和衣倒寂寥氣

又

割斷凡緣心安神定山中採藥修身命青松林下茯苓  
多白雲深處黃精盛百味甘香一身清淨吾生可保  
長無病八珍五鼎不須貪葷羶濁亂人情性

又

身世浮漚利名韉鎖省來萬事都齊可尋花時傍碧溪  
行看雲獨倚青松坐雲片飛飛花枝朶朶光陰且向  
閒中過世閒蕭散更何人除非明月清風我  
朝中措漁父十首

蓮

七

吳松江影漾清輝山遠翠光微楊柳風輕日永桃花浪  
暖魚肥東來西往隨情任性本自無機何事沙邊鷗  
鷺一聲欸乃驚飛

又

湖光染翠  
愛江湖光景不曾別  
儂家醉臥水雲

又

碧波深處錦鱗游波面小漁舟不為來貪香餌如何賺  
得吞鉤綠蓑青蒻吾生自斷終老汀洲買斷一江風  
月勝如千戶封侯

又沙明波淨小汀洲  
楓落洞庭秋  
紅蓼白蘋深處晚風吹  
轉船頭  
鱸魚釣得銀絲旋  
鱸白酒新麴一笑月寒煙  
暝人閒萬事都休

又松江西畔水連空  
霜葉舞丹楓  
謾道金章清貴何如蓑笠從容  
有時獨醉無人繫纜一任斜風不是蘆花惹  
住幾回吹過橋東

又鳴榔驚起鷺鷥飛  
山遠水瀰瀰  
米賤茅柴酒美霜清  
螃蟹肥  
人生所貴逍遙快意此外皆非  
卻笑東山太

傳幾曾夢見蓑衣

又午陰多處

楊柳

翠羽無情飛去紅蕖有

意

吾生爲報凌煙

名

又紅塵光景事如何  
擾擾利名多  
若問儂家活計扁舟小笠輕蓑  
一尊美酒一輪皓月一弄山歌選甚掀天白浪未如人世風波

又蕭蕭蘆葉暮寒生  
雪壓東雲平  
密洒一篷煙火驚鴻飛



起沙汀 收綸罷釣空江有浪短棹無聲便是天然圖  
畫何須妙手丹青

又

慕名人似蟻貪羶擾擾幾時閒輸我吳松江上一帆點  
破晴煙 青莎臥月紅鱗薦酒一醉陶然此是人閒蓬  
島更於何處求仙

菩薩蠻詠酒十首

人閒何處難忘酒遲暖日羣花秀紅紫鬪芳菲滿園  
張錦機 春光能幾許多少閒風雨一瓊此時疏非癡  
卽是愚

又

蓮

三

人閒何處難忘酒小舟

楊柳影蘸湖光薰風

拂

一瓊此時傾

又

人閒何處難忘酒中秋皓月明如晝銀漢洗晴空清輝  
萬古同 涼風生玉宇只怕雲來去一瓊此時遲陰晴  
未可知

又

人閒何處難忘酒素秋令節逢重九步屨繞東籬金英  
爛漫時 折來驚歲晚心與南山遠一瓊此時休高懷  
何以酬

又  
人閒何處難忘酒六花投隙瓊瑤透火滿地爐紅蕭蕭  
屋角風飄飄飛絮亂浩蕩銀濤卷一瓊此時乾清吟  
可那寒

又  
人閒何處難忘酒閉門永日無交友何以樂天真雲山  
發興新聽風松下坐趁蝶花邊過一瓊此時空幽懷  
誰與同

又  
人閒何處難忘酒  
鬪不是慕榮華惟愁  
一瓊此時慳

蓮

十四

又  
人閒何處難忘酒山村野店清明後滿路野花紅一帘  
楊柳風田家春最好簫鼓村村鬧一瓊此時辭將何  
樂聖時

又  
人閒何處難忘酒興來獨步登巖岫倚杖看雲生時聞  
流水聲山花明照眼更有提壺勸一瓊此時斟都忘  
名利心

又  
人閒何處難忘酒水邊石上逢山友相約老山林幽居

不怕深 淨名心已盡 傾倒都無隱 一瓊此時無交情  
何以舒

訴衷情 詠閒十首

閒中一卷聖賢書 耽玩意 潛心要游闡 奧須是下

工夫 今何異古何殊 本同途 若明性理 一點靈臺萬

事都無

又

閒中一片 澄秋水明月夜 鶴長鳧短前定難

又

又

蓮

閒中一畝小 臨水對遙岑 茅茨 低小竹徑要

幽深 逢酒醉遇花吟 日登臨 四時無限好 景良辰 莫

負光陰

又

閒中一篆百花香 裊裊翠 低回宛轉 何似行路繞

羊腸 深竹戶 小山房 雅相當 清心默坐 燕寢無風 永

日芬芳

又

閒中一瓊 簷頭春養氣 又頤神 莫教大段沈醉 只好帶

微醺 心自適 體還淳 樂吾真 此懷何似 兀兀陶陶 太

古天民

又

閒中一瓊建溪茶香嫩雨前芽磚爐最宜石銚裝點野  
人家三昧手不須誇滿甌花睡魔何處兩腋清風興  
滿煙霞

又

閒中一弄琴然無味不比鄭  
聲淫風拂軫明月當

又

閒中一葉小漁舟無線也無鉤雲深處適性自  
遨遊波渺渺興悠悠意休休一船明月一棹清風換

蓮

六

了封侯

又

閒中一覺日高眠都沒利黑甜自來無比百計總  
輸先花轉影篆凝煙意悠然華胥何處蝶化逍遙此  
意誰傳

又

閒中一首醉時歌此樂信無過陽春自來寡和誰與樂  
天和言不盡意何多且蹉跎功名莫問富貴休言到  
底如何

減字木蘭花修養十首

五行顛倒火裏栽蓮君莫要東牽引取青龍來西

邊一陽時候  
温温光已透消盡羣陰赫赤金丹  
色漸深

又  
陰陽均配  
爭得靈苗不解  
是真鉛只

又  
至言妙道  
是蓬萊頂上

仙歸根  
方復命復命常存此事幽微  
好細論

蓮

十七

神仙何處若有宿緣須  
不在山林及市  
朝丹爐休守須信人人皆自有此外非真莫認凡砂

又  
與水銀  
天機深遠不遇真仙爭得見欲下工夫須是先尋偃月

爐抽添運用火候不明  
妄動毫髮纔差只恐靈根  
芽

又  
咽津納氣鼎內須  
空當枉誤

人  
有真不  
修持超出

又  
冥冥窈窕

又

澄神靜慮

池無中養

鶴駕來

又

乾坤入手談笑三關雲

光逍遙字內

蓮

數外功滿三千獨跨斑麟

大

入紫煙

又

還元返本作用難明須細論神氣

成勤修不倦直到無為功始見此是天機不遇真仙

莫強知

蝶戀花神仙十首

碧海沈沈西極遠閒訪

閨苑相將

偏人閒幾度

誰得見五彩

恰值羣仙來

又

影

長不老天  
物表廣寒宮殿

又

碧落浮黎光景異瓊

寶珠如

黍米天真

憑玉几花雨霏霏

散入諸天

傳妙旨至今流演無終紀

又

弱水茫茫三萬里遙望蓬萊浮動煙霄外若問蓬萊何處是珠樓玉殿金鼇背  
惟是飛仙能馭氣霞袖飄飄  
來往如平地除飛仙誰得至只緣山在波濤底

又

蓮

九

絕想疑真天地表九

行處旌幢參

羽葆五雲隨

神仙春不老煙

又

多與少下窺海

飄然直

露採

又

碧海靈桃花朶阿母

昨夜海風吹

玉顆分明

苞已破散液流

馥郁

三偷誰可那如今先手還輸我

又

莫笑一瓢門戶隘  
任意游行出入俱無礙  
玉殿珠宮都

不愛別藏大地非塵界  
東海揚塵瓢不壞  
寒暑

又

清夜凝然

界森羅星

紫府歸來

縈碧霧上

又

不假

蓮

二



浮山詩餘



浮山詩餘目錄

憶王孫

點絳脣

浣溪沙

菩薩蠻

好事近

憶秦娥

畫堂春

大聖樂令

浪淘沙

鷓鴣天

驀山溪

水調歌頭

芰荷香

八聲甘州

念奴嬌

瑞鶴仙

水調歌頭

念奴嬌

浮目

一

Faint bleed-through text from the reverse side of the page, including characters like 念奴嬌, 芰荷香, 驀山溪, 浪淘沙, 畫堂春, 好事近, 浣溪沙, 憶王孫, 點絳脣, 菩薩蠻, 憶秦娥, 大聖樂令, 鷓鴣天, 水調歌頭, 八聲甘州, 瑞鶴仙, and 念奴嬌.

浮山詩餘

江都 仲 并 彌性

憶王孫秋閨

庭梧葉密未驚秋風雨瀟瀟特地愁愁緒如絲無盡頭  
思悠悠悵望王孫空倚樓

點絳脣贈外孫猷

秀出羣兒柳眉濯濯春庭院不親歌扇弄筆勤書篆

翁已無能老退慙頽面欣同宴坐來喜見痛飲驚無算

浣溪沙春閨卽事

淡蕩春光寒食天玉鑪沈水嫋殘煙夢回繡枕隱花鈿

海燕未來人鬪草江梅初過柳生絲黃昏疏雨濕鞦韆

浮

遷

又示孟氏女

舉案家風未肯低清心端自秀深閨芝蘭玉樹寧馨兒

蚤歲女禪靈照女靜中經卷手常攜聲名要與斷機

齊

又

雅稱詩人美孟都清新幽韻比來無新來學得繡工夫

經卷但知從阿母醉來翁已要人扶尙能把瓊勸屠

蘇

又和李達才韻

說似當年老季倫君家雖富客常貧何曾一笑任吾真

酒滿罷留天下士詞新空賦坐中春誰能絕筆更書

麟

菩薩蠻和趙有逸坐上韻

宛如姑射人冰雪知公不負佳風月莫放漏聲殘清風  
生坐間賞春心未足翦盡尊前燭此樂自難忘一觴  
還一觴

好事近宴客七首時留平江俾侍兒歌以侑觴

二陸起雲開千載風流人物未似一門三鳳向層霄聯  
翼貞元朝士苦無多公今未華髮重向紫宸朝路立

鴉鸞前列

右朱參議

又

浮

二

今古滿胸中韜略一時人傑高臥溪山好處遲十年齊  
鉞朱轡休傍武陵溪梅花記曾別蚤晚殿前歸侍總

周廬千列

右劉鼎州

又

淮上五分符名在圖書東壁坐對書成多暇寫青箱千  
峽一杯先爲祝東風丹詔來朝夕何處稱公揮翰定

北扉西掖

右鄭直閣

又

闕闕盛中州冠冕共推華族耐久松筠交契更襟懷金  
玉諸儒皆自愧盧前小試暫符竹行看世官入踐繼

西樞前躅

右盧楚州

又

分手又三秋猶記花時歌別每念征帆歸晚誤五湖風

月清江休望使君來指日趨天闕墻玉翁冰相映看

紫薇花發

右朱臨江

又

襟韻絕纖塵炯炯夜光明月合是紫荷持囊侍丹墀清

切一暗香疏影想公家人與梅超絕酒罷帝城蚤去占

百花先發

右林刪定

又

今雨幾人來冰霰更凝寒色門外車多長者頓光生蓬

葦繽紛飛雪更初梅特特為留客惟恨坐無華饌只

浮

三

平時真率

憶秦娥

木樨

隈巖側怪生小院香來別嫩黃細細商量齊發

佳人斂笑貪先折重新為翦斜斜葉斜斜葉釵頭常

帶一秋風月

畫堂春和秦少游韻

春波淺碧漲方池池臺深鎖煙霏緩歌爭勝蚤鶯啼客

忍輕歸合坐香凝宿霧墊巾梅插寒枝漸西蟾影漾

餘輝醉倒誰知

大聖樂令贈小妓

豆蔻梢頭春正蚤斂修眉未經重掃湖山清遠幾年牢

落風韻初好 慢綰垂螺最嬌小是誰家舞腰嫋嫋而  
今莫謂春歸等閒分付芳草

浪淘沙贈妓

趁拍舞初筵柳嫋春煙街頭桃李莫爭妍家本鳳樓高  
處住錦瑟華年不用抹繁絃歌韻天然天教獨立百  
花前但願人和天上月三五團圓

又

傾國與傾城嫋嫋盈盈歌喉巧作斷腸聲看盡風光花  
不語卻是多情 家近董雙成三妙齊名誰教蜂蝶漫  
經營留取無雙風味在真是瓊英

又卽事

浮

四

草聖與詩餘清韻誰如生綃團扇倩誰書月湛素華天  
似水深院涼初 人散晚鐘疏後約還虛良宵忍放枕  
鸞孤要得相逢除是夢有夢來無

鷓鴣天爲鮑子山侍妾燕燕作

小泊橫塘日欲斜一枝猶有未殘花幾年燕子無消息  
今日飛來王謝家 歌水調韻琵琶聲聲都是怨年華  
釵頭杏子今如許翦燭裁詩莫問他

又贈外孫夔

閒世麒麟降自天光輝列宿燦初躔他年身致夔龍列  
少日心存翰墨邊 簪彩筆照金蓮詞華當使思如泉  
未論聳壑昂霄事且與衰翁慰暮年

驀山溪有贈  
冰清玉映自是閨房秀十里捲朱簾好紫陌家家未有  
天然情素高壓一城春花豔麗月精神梅韻腰肢瘦  
曲屏虛幌枉著鴛鴦繡不是不相逢淚空滴年年別袖  
從他蘭菊秋露與春風終不似玉人人一片心長久  
水調歌頭趙制置見招歸用東坡中秋韻以見微意  
華棟一何麗移下小壺天幾多曲房新戶縹緲似當年  
曾是使君風度元有胸中坵壑六月竹風寒一洗箏笛  
耳歌舞粲筵閒坐中客醒復醉聽無眠已回歸夢猶  
復嫋嫋記清圓尙想飲中仙子來處餘香飄坐勝韻此  
雙全爲寄月華語難與並嬋娟

浮

五

芰荷香中秋在毘陵不見月作數語未成後一日來澄

江途中先寄趙智夫

醉凝眸正行雲遮斷澄練江頭皓月今宵何處不管中  
秋朱闌倚徧又微雨催下危樓秋風空響更籌不將好  
夢吹過南州浮遠軒窗異日到山空雲淨江遠天浮  
別去客懷無賴準擬閒愁冰輪好在解隨我天際歸舟  
何須舞袂歌喉一觴一詠談笑風流

八聲甘州木樨和韻

正西山雨過弄晴景竹屋貫斜暉問誰將千斛霏瑛落  
屑吹上花枝風外青鞋未熟鼻觀已知撓損江南客  
詩面難肥兩向林邊傾蓋笑化工開落尤甚兒嬉歎

額黃人去還是隔年期渺飛魂憑誰招取  
故人沈水煮花鬢猶堪待嶺梅開後一戰雄雌

念奴嬌冬至夜作

灰飛燼竹慶羣陰消盡新陽來復雲物呈祥連瑞靄煙  
氣紛紛馥馥紫陌香衢朱檐影裏羅綺花成簇嶺梅驚  
暖數枝爭綻寒玉有人嫋嫋盈盈今朝特地爲我新  
妝束嬌倚銀牀添繡線長喜修眉舒綠不道多情錦屏  
羅幌難得歡生足誰知今夜玉壺銀漏催促

又和耿時舉賦雪韻

江南春早尚餘寒門巷楊花飄逐一色初梅開盡也不  
數芳園紅綠珍重騷人幽懷分寄高韻歌黃竹六花羞

浮

六

避滿牋凌亂瓊玉應念有客長安履穿東郭無與憐  
窮獨鼓棹前溪非興盡寒怯水樓巖宿咫尺君家瑤田  
無徑冰柱排銀屋甕頭春到喚回晚夢清熟

又王守生辰

金滕事業慶丹青千載勳在王室聖主英明平萬國天  
產非常人物嶽瀆分靈熊羆符夢五百年方出致君堯  
舜要須純用經術須信鳳閣仙人風流文采藹家聲  
如昔獻納司存持禁囊合歷三臺清秩倦宿承明乞麾  
臨郡暫輟金閨直五雲深處一星今在南極

瑞鶴仙春日詠懷

試六花院落正柳絲飄墜因風無著吳王舊城郭記烏



衣門巷小橋簾幙他州寥索漫等閒桃英杏萼認幽香  
來處羣芳盡掩蕙心先覺行樂燕雛爲友浪語狂歌  
休休莫莫蘭房繡幄添新恨念前約帶十分芳景十分  
春意休惜十分共酌任十分吹老寒梅成樓畫角

水調歌頭

浮遠堂

靜練平千頃華棟俯中流凌晨畫戟來看宿雨斷虹收  
八九胸中雲夢三千筆端風月無處快凝眸歎詠一堂  
上揮塵氣橫秋俯危闌紅日下暮雲稠無窮偉觀祇  
應天意爲君謀容我時醒時醉獨泛微煙微雨浩蕩逐  
輕鷗不羨岳陽勝丹碧聳層樓

念奴嬌

同上

浮

七

練江風靜臥冰匳百尺朱闌飛入江遠浮天天在水  
滿半天雲濕白鳥明邊青山斷處眼冷江頭立月明潮  
上葦閒漁唱聲急幾度吹老蘋花野香無數欲寄應  
難及天借詩人供醉眼尊俎一時收拾竹裏行廚花開  
步障風雨生呼吸酒闌歌罷釣船先具蓑笠

樵  
歌



樵歌目錄

卷上

聒龍謠二

水調歌頭六

水龍吟二

蘇武慢

洞仙歌三

滿江紅

望海潮

芰荷香

卜算子慢

樵目

蹋歌

臨江仙八

卷中

木蘭花二

朝中措十一

醉落魄

感皇恩三

戀繡衾

南歌子

浪淘沙三

定風波

雨中心花

桂枝香

念奴嬌七

木蘭花慢二

滿庭芳

風流子

勝勝慢

沁園春

醉春風

鵲橋仙六

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

鷓鴣天十四

夢玉人引  
漁家傲 三

一落索 二  
望江南 二

十二時  
行香子

南鄉子 二  
憶帝京

桃源憶故人 六  
長相思 二

好事近 十四  
烏夜啼

沙塞子 二  
卷下

西江月 八

減字木蘭花 十七

點絳脣 五

柳梢青 六

采桑子 三

憶秦娥 四

卜算子 七

雜目

二

清平樂 六

昭君怨

浣溪沙 八

阮郎歸

生查子

眼兒媚 三

訴衷情 四

菩薩蠻 五

雙鷓鴣

鼓笛令

西湖曲

風蝶令

謁金門

洛妃怨

燕歸梁

相見歡 七

如夢令 八

春曉曲

柳枝

樵歌卷上

洛陽 朱敦儒 希真

聒龍謠

肩拍洪崖手攜子晉夢裏暫辭塵宇高步層霄俯人閒  
如許算蝸戰多少功名問蟻聚幾回今古度銀潢展盡  
參旗桂花澹月飛去 天風緊玉樓斜舞萬女霓袖光  
搖金縷明廷宴闕倚青冥回顧過瑤池重借雙成就楚  
岫更邀巫女轉雲車指點虛無引蓬萊路

又

憑月攜簫遡空秉羽夢蹋絳霄仙去花冷街榆悄中天  
風露竝真官蕊佩芬芳望帝所紫雲容與享鈞天九奏

橋上

傳觴聽龍嘯看鸞舞 驚塵世悔平生歎萬感千恨誰

憐深素羣仙念我好人間難住勸阿母偏與金桃教酒  
星賸斟瓊醕醉歸時手授丹經指長生路

雨中花 嶺南作

故國當年得意射麋上苑走馬長楸對蔥蔥佳氣赤縣  
神州好景何曾虛過勝友是處相留向伊川雪夜洛浦  
花朝占斷狂遊 胡塵卷地南走炎荒曳裾強學應劉  
空漫說螭蟠龍臥誰取封侯塞雁年年北去蠻江日日  
西流此生老矣除非春夢重到東周

水調歌頭 淮陰作

當年五陵下結客占春遊紅纓翠帶談笑跋馬水西頭

落日經過桃葉不管插花歸去小袖挽人留換酒春壺  
碧脫帽醉青樓楚雲驚隴水散兩漂流如今憔悴天  
涯何處可銷憂長揖飛鴻舊月不知今夕煙水都照幾  
人愁有淚看芳草無路認西州

又

白日去如箭達者惜分陰問君何苦長抱冰炭利名心  
冀望封侯一品僥倖昇仙三島不死解燒金聽取百年  
曲三歎有遺音會良朋逢美景酒頻斟昔人已矣松  
下泉底不如今幸遇重陽佳節高處紅萸黃菊好把醉  
鄉尋澹澹飛鴻沒千古共銷魂

又和董彌大中秋

樵上

二

偏賞中秋月從古到如今金風玉露相閒別做一般清  
是處簾櫳爭卷誰家管絃不動樂世足歡情莫指關山  
路空使翠蛾顰水精盤鱸魚膾點新橙鵝黃酒暖纖  
手傳杯任頻斟須惜曉參橫後直到來年今夕十二數  
虧盈未必來年看得似此回明

又和海鹽尉范行之

平生看明月西北有高樓如今羈旅常歎茅屋暗悲秋  
聞說吳淞江上有箇垂虹亭好結友漾輕舟記得蓬萊  
路端是舊曾遊趁黃鵠湖影亂海光浮絕塵勝處合  
是不數白蘋洲何物陶朱張翰勸汝橙齏鱸膾交錯獻  
還酬寄語梅仙道來歲肯同不

又對月有感

天宇著垂象日月共回旋因何明月偏被指點古來傳  
浪語修成七寶漫說霓裳九奏阿姊最嬋娟憤激書青  
奏伏願聽臣言 詔六丁驅狡兔屏凝蟾移根老桂種  
在歷歷白榆邊深鎖廣寒宮殿不許姮娥歌舞按次守  
星躔永使無虧缺長對日團圓

又

中秋一輪月只和舊青冥都緣人意須道今夕別般明  
是處登臨開宴爭看吳歌楚舞沈醉倒金尊各自心中  
事悲樂幾般情 燭摧花鶴警露忽三更舞茵未卷玉  
繩低轉便西傾認取眼前流景試看月歸何處因甚有

標上

三

虧盈我自闔門睡高枕笑浮生

桂枝香南都病起

春寒未定是欲近清明雨斜風橫深閉朱門盡日柳搖  
金井年光自趁飛花緊柰幽人雪添雙鬢謝山攜妓黃  
壚貰酒舊愁慵整 念壯節漂零未穩負九江風笛五  
湖煙艇起舞悲歌淚眼自看清影新鶯又向愁時聽把  
人閒如夢深省舊溪鶴在尋雲弄水是事休問

水龍吟

放船千里凌波去略爲吳山留顧雲屯水府濤隨神女  
九江東注北客翩然壯心偏感年華將暮念伊嵩舊隱  
巢由故友南柯夢遽如許 回首妖氛未掃問人閒英

雄何處奇謀報國可憐無用塵昏白羽鐵嶺橫江錦帆  
衝浪孫郎良苦但愁敲桂櫂悲吟梁父淚流如雨

又

曉來極目同雲暖空降雪花零亂平生塵想老來俗狀  
都齊驚散玉鳳凌霄素虬橫海一杯相勸任霓裳學舞  
梅妝作面終不似天裁翦正是年華美滿鬪迎春巧  
飛釵燕衝寒醉眼倚空長揖羣仙笑粲說道瑤池有人  
來報西真開宴便爭回蕊佩高馳羽駕卷東風轉

念奴嬌

見梅驚笑問經年何處收香藏白似語如愁卻問我何  
苦紅塵久客觀裏栽桃仙家種杏到處成疏隔千林無

標上

四

伴澹然獨傲霜雪且與管領春回孤標爭肯接雄蜂  
雌蝶豈是無情知受了多少淒涼風月寄驛人遙和羹  
心在忍使芳塵歇東風寂寞可憐誰爲攀折

又

插天翠柳被何人推上一輪明月照我藤牀涼似水飛  
入瑤臺瓊闕霧冷笙簫風輕環佩玉鎖無人掣閒雲收  
盡海光天影相接誰信有藥長生素娥新鍊就飛霜  
凝雪打碎珊瑚爭似看仙桂扶疏橫絕洗盡凡心滿身  
清露冷浸蕭蕭髮明朝塵世記取休向人說

又

晚涼可愛是黃昏人靜風生蘋葉誰做秋聲穿細柳初



聽寒蟬淒切旋采芙蓉重熏沈水暗裏香交徹拂開冰  
簟小牀獨臥明月老來應免多情還因風景好愁腸  
重結可惜良宵人不見角枕蘭衾虛設宛轉無眠起來  
閒步露草時明滅銀河西去畫樓殘角嗚咽

又

老來可喜是歷徧人閒諳知物外看透虛空將恨海愁  
山一時掇碎免被花迷不爲酒困到處惺惺地飽來覓  
睡睡起逢場作戲休說古往今來乃翁心裏沒許多  
般事也不斬仙不佞佛不學棲棲孔子懶共賢爭從教  
他笑如此只如此雜劇打了戲衫脫與猷底

又約友中秋遊長橋魏倅邦式不預作念奴嬌和其韻

權上

五

素秋天氣是登山臨水昔人悲處我遇清時無箇事好  
約鶯遷鴻翥旋整蘭舟多攜芳醞笑裏輕帆舉松江纜  
月望雲飛權延佇別乘文雅風流新詞光萬丈珠連  
錦聚恨不同遊指浩渺玉宇瓊樓相付桂子收香蟾輝  
采露暫輟尊前舞絲囊封寄倩他雙翠銜去

又楊子安侍郎壽

臘回春近正日添宮綫香傳梅驛玉律冰壺此際顯天  
與奇才英識貫日孤忠凌雲獨志曾展回天力功名由  
命等閒卻鍛鸞翮誰信夫子如今眠雲情意穩風塵  
機息邂逅初心得計處伊水鷗閒波碧但恐天教經綸  
緣在未遂紫煙客君王圖舊看公歸覲京國

又垂虹亭

放船縱櫂趁吳江風露平分秋色帆卷垂虹波面冷初  
落蕭蕭楓葉萬頃琉璃一輪金鑑與我成三客碧空寥  
廓瑞星銀漢爭白 深夜悄悄魚龍靈旗收暮靄天光  
相接瑩澈乾坤全放出疊玉層冰宮闕洗盡凡心相忘  
塵世夢想都銷歇胸中雲海浩然猶浸明月

蘇武慢

枕海山橫陵江湖去雉堞秋風殘照閒尋桂子試聽菱  
歌湖上晚來涼好幾處蘭舟采蓮遊女歸去隔花相惱  
柰長安不見劉郎已老暗傷懷抱 誰信得舊日風流  
如今憔悴換卻五陵年少逢花倒罨遇酒堅辭常是懶

權上

六

歌慵笑除奉天威掃平狂虜整頓乾坤都了共赤松攜  
手重騎明月再遊蓬島

木蘭花慢

折芙蓉弄水動玉佩起秋風正柳外閒雲溪頭澹月映  
帶疏鐘人閒厭謫墮久恨霓旌未返碧樓空且與時人  
度日自憐懷抱誰同 當時種玉五雲東露冷夜耕龍  
念瑞草成畦瓊蔬未采塵染衰容誰知素心未已望清  
都絳闕有無中寂寞歸來隱几夢聽帝樂沖融

又和師厚和司馬文季虜中作

指滎河峻嶽鎖胡塵幾經秋歎故苑花空春遊夢冷萬  
斛堆愁簪纓散關塞阻恨難尋杏館覓瓜疇悽慘年來

歲往斷鴻去燕悠悠 招幽化碧海西頭劍履問誰收  
但易水歌傳子山賦在青史名留吾曹鏡中看取且狂  
歌載酒古揚州休把霜髯老眼等閒清淚空流

洞仙歌

今年生日慶一百省歲喜趁燒燈作歡會問先生有甚  
陰德神丹霜雪裏鶴在青松相似 總無奇異處只是  
天然冷澹尋常舊家計探袖弄明珠滿眼兒孫一壺酒  
口向花閒長醉且落魄裝箇老人星共野客行歌太平  
時世

又贈太易

風流老峭負不羣奇表彈指超凡怎由教把俗儒故紙

樵一

七

推向一邊三界外尋得一場好笑 塵緣無處趁應見  
宰官苦行公心眾難到這功名富貴有也尋常管做得  
越古超今神妙待接得眾生總成佛向酒肆淫房再逞  
年少

又

何人不愛是江梅紅綻雪野寒空凍雲晚照清溪綽約  
粉豔先春包絳萼姑射冰肌自暖 上林花萬品都借  
風流國色天香任欣羨共素娥青女一笑相逢人不見  
悄悄霜宮月殿想乘雲長在玉皇前粲蕊佩明璫侍清

都燕

滿庭芳

鵬海風波鶴巢雲水夢殘身寄塵寰老來窮健無悶也  
無歡隨分飢餐困睡渾忘了秋熱春寒清平世閒人自  
在乘興訪溪山 漁竿要老伴浮江載酒艤擢觀瀾倩  
輕鷗假道白鷺隨軒直到垂虹亭上驚怪我卻做仙官  
中秋月披襟四顧不似在人閒

又

花滿金盆香凝碧帳小樓曉日飛光有人相伴開鏡點  
新妝臉嫩瓊肌著粉眉峰秀波眼宜長雲鬢就玉纖濺  
水輕笑換明璫 檀郎猶恣意高敲鳳枕慵下銀牀問  
今日何處鬪草尋芳不管餘醒未解扶頭酒親捧瑤觴  
催人起雕鞍翠幃乘露看姚黃

樵上

入

滿江紅 大熱臥疾浸石種蒲強作涼想

竹翠陰森寒泉浸幾峰奇石銷畏日溪蒲呈秀水蕉供  
碧筠簟平鋪光欲動紗稠高挂空無色似月明蘋葉起  
秋風瀟湘白 不敢笑紅塵客爭肯羨神仙宅且披襟  
脫帽自適其適靖節窗風猶有待本初朔飲非長策怎  
似我心閒便清涼無南北

風流子

吳越東風起江南路芳草綠爭春倚危樓縱目繡簾初  
卷扇邊寒減竹外花明看西湖畫船輕泛水茵幄穩臨  
津嬉遊伴侶兩兩攜手醉回別浦歌遏南雲 有客愁  
如海江山異舉目暗覺傷神空想故園池閣卷地煙塵

但且恁痛飲狂歌欲把恨懷開解轉更銷魂只是皺眉  
彈指冷過黃昏

望海潮丁酉西內成鄉人請作望幸曲

嵩高維嶽圖書之淵西都二室三川神鼎定金麟符刻  
玉英靈未稱河山誰再整乾坤是挺生眞主浴日開天  
御歸梁苑駕回汾水鳳樓閒昇平運屬當千眷凝旒  
暇日西顧依然銀漢詔虹瑤臺賜碧一新瑞氣祥煙重  
到帝居前怪鵲橋龍闕飛下人間父老歡呼翠華來也  
太平年

勝勝慢雪

紅鑪圍錦翠幄盤雕樓前萬里同雲青雀窺窗來報瑞

樵二

九

雪紛紛開簾放教飄灑度華筵飛入金尊鬪迎面看美  
人呵手旋浥羅巾莫說梁園往事休更羨越溪訪戴  
幽人此日西湖眞境聖治中興直須聽歌按舞任留香  
滿酌杯深最好是賀豐年天下太平

芰荷香金陵

遠尋花正風亭霽雨煙浦移沙緩提金勒路擁桃葉香  
車憑高帳飲照羽觴晚日橫斜六朝浪語絲華山圍故  
國綺散餘霞無奈尊前萬里客歎人今何在身老天  
涯壯心零落怕聽疊鼓摻搥江浮醉眼望浩渺空想靈  
槎曲終淚溼琵琶誰扶上馬不省還家

沁園春

七十衰翁告老歸來放懷縱心念聚星高宴圍紅盛集  
如何著得華髮陳人勉意追隨強顏陪奉費力勞神恐  
未真君休怪近頻辭雅會不是無情巖局舊菊猶存  
更松偃梅疏新種成愛靜窗明几焚香宴坐閒調綠綺  
默誦黃庭蓮社輕輿雪溪小櫂有興何妨尋弟兄如今  
且趁花迷酒困心迹雙清

卜算子慢

憑高望遠雲斷路迷山簇暮寒淒緊蘭菊如斯燕子怎  
知秋盡想闌中錦換新翻暈自解佩恩恩散後鴛鴦到  
今難問只得愁成病是悔上瑤臺誤留金枕不忍相  
忘萬里再尋音信柰飄風不許蓬萊近又一番凍雨淒

橋二

十

涼送歸鴻成陣

醉春風

夜飲西真洞羣仙驚戲弄素娥傳酒袖凌風送送吸  
盡金波醉朝天闕鬪班星拱碧簡承新寵紫微恩露  
重忽然推枕草堂空夢夢帳冷衾寒月斜燈暗畫樓

鐘動

蹋歌

善笑

宴闕散津亭鼓吹扁舟發離魂黯黯隱隱關徹更風愁  
雨細添淒切恨結歎良朋雅會輕離訣一年價把酒  
風花月便山遙水遠分吳越書倩雁夢借蝶重相見  
且把歸期說只愁到他日彼此萍蹤別總難如前會時

節

鵲橋仙

溪清水淺月朧煙澹玉破梅梢未徧橫枝依約影如無  
但風裏空香數點乘風欲去凌波難住誰見紅愁粉  
怨夜深青女溼微霜暗香散廣寒宮殿

又十月黃菊

今年冬後黃花初綻莫怪時光較晚曉來玉露浥芳叢  
瑩秀色無塵到眼支筇駐屐徘徊籬畔弄酌金杯自  
泛須添羅幙護風霜要留與疏梅相見

又

姮娥怕鬧銀蟾傳令且與遮鸞翳鳳直須人睡俗塵清

樵上

士

放雲漢冰輪徐動山翁散髮披衣松下琴奏瑤池三  
弄曲終鶴警露華寒笑濁世饒伊做夢

又

攜琴寄鶴辭山別水乘興隨雲做客囊中欲試紫金丹  
待點化鸞紅鳳碧誰知到此玉梯無路天上難通消  
息不如卻趁白雲歸免誤使山英掃迹

又康州同子權兄弟飲梅花下

竹西散策花陰圍坐可恨來遲幾日披香不覺玉壺空  
破酒面飛紅半溼悲歌醉舞九人而已總是天涯倦  
客東風吹淚故園春問我輩何時去得

又和李易安金魚池蓮

白鷗欲下金魚不去圓葉低開蕙帳輕風冷露夜深時  
獨自箇凌波直上幽闌共晚明瑣難寄塵世教誰將  
傍會尋織女趁靈槎泛舊路銀河萬丈

臨江仙

西子溪頭春到也大家追趁芳菲盤雕翦錦換障泥花  
添金鑿落風展玉東西先探誰家梅最早雪兒桂子  
同攜別翻舞袖按新詞從今排日醉醉過牡丹時

又

堪笑一場顛倒夢光來恰似浮雲塵勞何事最相親今  
朝忙到夜過臘又逢春流水滔滔無住處飛花忽忽  
西沈世間誰是百年人箇中須著眼認取自家身

樵上

三

又

直自鳳凰城破後孽釵破鏡分飛天涯海角信音稀夢  
回遼海北魂斷玉關西月解重圓星解聚如何不見  
人歸今春還聽杜鵑嗶年年看塞雁一十四番回

又

最好中秋秋夜月常時易雨多陰難逢此夜更無雲玉  
輪飛碧落銀幙換層城桂子香濃凝瑞露中興氣象  
分明酒樓燈市管絃聲今宵誰肯睡醉看曉參橫

又

生長西都逢化日行歌不記流年花閒相過酒家眠乘  
風遊二室弄雪過三川莫笑衰容雙鬢改自家風味



依然碧潭明月水中天誰閒如老子不肯作神仙

又

紗帽籃輿青織蓋兒孫從我嬉遊綠池紅徑雨初收  
棧桃偏會笑細柳幾曾愁隨分盤筵供笑語花閒社酒  
新筩蹋歌起舞醉方休陶潛能嘯傲賀老最風流

又

幾日春愁無意緒撚金翦綵慵拈小樓終日怕凭闌一  
雙新淚眼千里舊關山苦恨碧雲音信斷只教征雁  
空還早知盟約是虛言枉裁詩字錦悔寄淚痕殘

又

信取虛空無一物箇中著甚商量風頭緊後白雲忙風

樵上

三

元無去住雲自沒行藏莫聽古人閒語話終歸失馬  
亡羊自家腸肚自端詳一齊都打碎放出大圓光

鷓鴣天

草草園林作洛川碧宮紅塔借風煙雖無金谷花能笑  
也有銅駝柳解眠春似舊酒依前何妨倚杖雪垂肩  
五陵俠少今誰健似我親逢建武年

又

檢盡曆頭冬又殘愛他風雪忍他寒拖條竹杖家家酒  
上箇籃輿處處山添老大轉癡頑謝天教我老來閒  
道人還了鴛鴦債紙帳梅花醉夢閒

又西都作

我是清都山水郎  
天教分付與疏狂  
曾批給雨支風券  
累上留雲借月章  
詩萬首酒千觴  
幾曾著眼看侯王  
玉樓金闕慵歸去  
且插梅花醉洛陽

又

唱得梨園絕代聲  
前朝惟數李夫人  
自從驚破霓裳後  
楚奏吳歌扇裏新  
秦嶂雁越溪砧  
西風北客兩飄零  
尊前忽聽當時曲  
側帽停杯淚滿巾

又

曾爲梅花醉不歸  
佳人挽袖乞新詞  
輕紅徧寫鴛鴦帶  
濃碧爭斟翡翠卮  
人已老事皆非  
花前不飲淚沾衣  
如今但欲關門睡  
一任梅花作雪飛

樵一

古

又

畫舫東時洛水清  
別離心緒若爲情  
西風挹淚分攜後  
十夜長亭九夢君  
雲背水雁回汀  
只應芳草見離魂  
前回共采芙蓉處  
風自淒淒月自明

又

竹粉吹香杏子丹  
試新紗帽紵衣寬  
日長几案琴書靜  
地僻池塘鷓鴣閒  
尋汗漫聽潺湲  
澹然心寄水雲間  
無人共酌松黃酒  
時有飛仙暗往還

又許總管席上

至節先庚欲雪天  
玳筵圍錦帳青氈  
嫖姚副帥招佳客  
太守高明別乘賢  
歌宛轉舞蹁躑  
金釵十二擁嬋娟

老人南極星邊住也趁梅花聽管絃

又正月十四夜

鳳燭星毬初試燈冰輪碾破碧棧層來宵雖道十分滿  
未必勝如此夜明留上客換瑤觥任教樓外曉參橫  
春風從舊偏憐我那更姮娥是故人

又

通處靈犀一點真吹隨紫囊步紅茵箇中自是神仙住  
花作簾櫳玉作人偏澹靜最尖新等閒舞雪振歌塵  
若教宋玉尊前見應笑襄王夢裏尋

又

天上人間酒最尊非甘非苦味通神一杯能變愁山色

糖二

五

三錢全迴冷谷春歡後笑怒時瞋醒來不記有何因  
古時有箇陶元亮解道君當恕醉人

又

有箇仙人捧玉卮滿斟堅勸不須辭瑞龍透頂香難比  
甘露澆心味更奇開道域洗塵機融融天樂醉瑤池  
霓裳拽住君休去待我醒時更一瓶

又

不繫虛舟取性顛浮河泛海不知年乘風安用青帆引  
逆浪何須錦纜牽雲薦枕月鋪氈無朝無夜任橫眠  
太虛空裏知誰管有箇明官喚做天

又

極目江湖水浸雲不堪回首洛陽春天津帳飲凌雲客  
花市行歌絕代人穿繡陌蹋香塵滿城沈醉管絃聲  
如今遠客休惆悵飽向皇都見太平

樵上

天

樵歌卷中

洛陽 宋敦儒 希真

木蘭花

老後人閒無處去多謝碧桃留我住紅塵回步舊煙霞  
清境開扉新院宇 隱几日長香一縷風散飛花紅不  
聚眼前尋見自家春罷問玉霄雲海路

又採梅寄李士舉

前日尋梅椒樣綴今日尋梅蜂已至乍開絳萼欲生香  
略綻粉苞先有意 故人今日升沈異定是江南無驛  
使自調絃管自開尊笑把花枝花下醉  
驀山溪

樵中

鄰家相喚酒熟閒相過竹徑引籃輿會鄉老吾曹幾箇  
沈家姊妹也是可憐人回巧笑發清歌相閒花閒坐  
高談闊論無可無不可幸遇太平年好時節清明初破  
浮生春夢難得是歡娛休要勸不須辭醉便花閒臥

又

瓊蔬玉蕊久寄清虛裏春到碧溪東下白雲尋桃問李  
彈簧吹葉懶傍少年場遺楚佩覓秦簫蹋破青鞵底  
河橋酒熟誰解留儂醉兩袖拂飛花空一春淒涼憔悴  
東風誤我滿帽洛陽塵喚飛鴻遮落日歸去煙霞外

又

西真姊妹只這梅花是乘醉下瑤池粉燕支何曾梳洗

冰姿素豔無意壓羣芳獨自笑有時愁一點心難寄  
雪添蕊佩霜護盈盈淚塵世悔重來夢淒涼玉樓十二  
教些香去說與惜花人雲黯澹月朦朧今夜誰同睡

又

夜來雨過桃李將開徧策杖引兒童也學人隨鶯趁燕  
青天許大多少好風光一歲去一春來只恁空撩亂  
西池瓊苑遊賞人何限玉勒擁朱輪各騁些新歡舊恨  
都齊醉也說甚是非我笑他他不覺花落春風晚

又

元來塵世放著希奇事行到路窮時果別有真山真水  
登臨任意隨步白雲生三秀草九花藤滿袖瓊瑤蕊

樵中

二

何須翹老浩蕩心常醉唱箇快活歌更說甚黃梁夢裏  
蒼顏華髮只是舊時人不動步卻還家處處新桃李

又

東風不住幾陣黃梅雨風外曉鶯聲怨飄零花殘春暮  
鴛鴦散後供了十年愁懷舊事想前歡忍記丁寧語  
塵昏青鏡依照孤鸞舞煙鎖鳳樓空問吹簫人今何處  
小窗驚夢攜手似平生陽臺路行雲去目斷山無數

又和人冬至韻

西江東去總是傷時淚北陸日初長對芳尊多悲少喜  
美人去後花落幾春風杯漫洗人難醉愁見飛灰細  
梅邊雪外風味猶相似迤邐暖乾坤仗君王雄風英氣

吾曹老矣端是有心人追劔履辭黃綺珍重蕭生意

朝中措

先生饒病老難醫赤米饜晨炊自種畦中白菜醃成饗  
裹黃齋肥蔥細點香油慢燂湯餅如絲早晚一杯無  
害神仙九轉休癡

又

先生筇杖是生涯挑月更擔花把住都無憎愛放行總  
是煙霞飄然攜去旗亭問酒蕭寺尋茶恰似黃鸝無  
定不知飛到誰家

又

當年彈鋏五陵閒行處萬人看雪獵星飛羽箭春遊花

標中

三

簇雕鞍飄零到此天涯倦客海上蒼顏多謝江南蘇  
小尊前怪我青衫

又上元席上和趙智夫時小雨

東方千騎擬三河燈夕試春羅想是蟾宮高會暫留暮  
雨姮娥使君燕喜王孫賦就桃葉秋波弱柳移來嬌  
舞落梅換了行歌

又

閒愁無奈指頻彈芳景爲誰殘可惜良宵虛過且容草  
草謀歡招要楚雨留連漢佩多謝青鸞濃豔暗香爭  
暖羅帷不用遮寒

又

元宵初過少吹彈樓角綵燈殘  
蹋雪閒尋深院攜壺試  
覓幽歡  
麻姑暫語文君未寢五老雙鸞  
要共梅花同  
曉薄羅不耐春寒

又

夜來聽雪曉來看驚失卻塵寰  
搖撼瓊林玉樹心疑身  
是仙官  
乘風縹緲凌空徑去不怕高寒  
卻被孤鴻相  
勸何如且在人間

又

新來省悟一生癡尋覓上天梯  
拋失眼前活計蹋翻暗  
裏危機  
莫言就錯真須悔過休更遲疑  
要識天蘇陀  
味元來只是黃齋

樵中

四

又

登臨何處白銷憂直北看揚州  
朱雀橋邊晚市石頭城  
下新秋  
昔人何在悲涼故國寂寞潮頭  
箇是一場春  
夢長江不住東流

又

胸中塵土久無奇  
今夕借清輝  
歌縱羣英  
諸彥舞狂蕙  
帶荷衣  
鴛鴦湖上波平岸遠酒醞魚肥  
好是中秋圓  
月分明天下人知

又

紅稀綠暗掩重門  
芳徑罷追尋  
已是老於前歲  
那堪窮  
似他人  
一杯自勸江湖倦客風雨殘春  
不是酴醾相



伴如何過得黃昏  
促拍醜奴兒水仙

清露溼幽香想瑤臺無語淒涼飄然欲去依然如夢雲  
度銀潢 又是天風吹澹月佩丁東攜手西廂泠泠玉  
磬沈沈素瑟舞徧霓裳

醉落魄泊舟津頭有感

海山翠疊夕陽殷雨雲堆雪鷓鴣聲裏蠻花發我共扁  
舟江上兩萍葉 東風落酒愁難說誰教春夢分胡越  
碧城芳草應銷歇曾識劉郎惟有半鸞月

醉思仙淮陰與楊道孚

倚晴空正三洲下葉七澤收虹歎年光催老身世飄蓬

樵中

五

南歌客新豐酒但萬里雲水俱東謝故人解繫船訪我  
脫帽相從 人世歡易失尊俎且更從容任酒傾波碧  
燭翦花紅君向楚我歸秦便分路青竹丹楓恁時節漫  
夢憑夜蝶書倩秋鴻

感皇恩游口口園感舊

曾醉武陵溪竹深花好玉佩雲鬟共春笑主人好事坐  
客雨中風帽日斜青鳳舞金尊倒 歌斷渭城月沈星  
曉海上歸來故人少舊遊重到但有夕陽衰草恍然真  
一夢人空老

又

早起未梳頭小園行徧拄杖穿花露猶泣菊籬瓜晚景

喜引枝添蔓先生獨自笑流鶯見 著意訪尋幽香國  
豔千里移根未爲遠淺深相間最要四時長看羣芳休  
怪我歸來晚

又

一箇小園兒兩三畝地花竹隨宜旋裝綴籬茅舍便  
有山家風味等閒池上飲林閒醉 都爲自家胸中無  
事風景爭來趁遊戲稱心如意賸活人閒幾歲洞天誰  
道在塵寰外

杏花天

挂簾等月闌千曲厭永晝勞煙倦局單衣汗透鮫綃縮  
脫帽梳犀枕玉 移牀就碧梧翠竹寄語倩姮娥伴宿

標中

六

輕風澹露清涼足雲綴銀河斷續

又

聽蟬翦葉迎秋燕畫戟散金鋪開徧清風占住秦箏怨  
樓上衙牌易晚 飛雨過繡幙盡卷借水沈龍涎旋碾  
金盆弄水停歌扇涼在冰肌粉面

又

殘春庭院東風曉細雨打鴛鴦寒峭花尖望見秋干了  
無路蹋青鬪草 人別後碧雲信杳對好景愁多歡少  
等他燕子傳音耗紅杏開也未到

戀繡衾

木落江南感未平雨蕭蕭衰鬢到今甚處是長安路水

連空山鎖暮雲 老人對酒今如此 一番新殘夢暗驚  
又是灑黃花 淚閒明年此會怎生

青玉案

坐上和趙智夫瑞香

芝房並蒂空稱瑞 幾曾見香旒旒也不論 蘭休比蕙王  
孫高韻說得的當不減唐諸李 今朝影落瓊杯裏共  
才子佳人鬪高致 莫道衰翁都無意 爲他丰韻爲他情  
味銷得真箇醉

南歌子

沈蕙乞詞

住近沈香浦 門前蕙草春 鶯鶯飛下柘枝新 見弄青梅  
初著翠羅裙 怕喚拈歌扇 嫌催上舞茵 幾時微步不  
生塵 來作維摩方丈散花人

樵中

七

蘇幙遮

瘦仙人窮活計 不養丹砂 不肯參同契 兩頓家飡三覺  
睡閉著門兒 不管人閒事 又經年知幾歲 老屋穿空  
幸有天遮蔽 不飲香醪 常似醉白鶴 飛來笑我顛顛地

又

酒臺空歌扇去 獨倚危樓 無限傷心處 芳草連天雲薄  
暮故國山河 一陣黃梅雨 有奇才無用處 壯節飄零  
受盡人閒苦 欲指虛無 問征路 回首風雲未忍辭明主

浪淘沙

中秋陰雨同顯忠椿年諒之坐寺門作

圓月又中秋 南海西頭 巒雲瘴雨晚難收 北客相逢彈  
淚坐 合恨分愁 無酒可銷憂 但說皇州 天家宮闕酒

家樓今夜只應清  
汴水鳴咽東流

又康州泊船

風約雨橫江秋滿  
篷窗箇中物色儘淒涼  
更是行人行未得  
獨繫歸艖擁被換殘香  
黃卷堆牀開愁展  
恨翦思量伊是浮雲儂  
是夢休問家鄉

又

白菊好開遲冷蝶空迷  
沾風惹露也隨時何事深藏偏  
在後天性難移陶令最憐伊  
同病相醫寒枝瘦葉更  
栽培直待羣芳零落後  
獨殿東籬

千秋歲 貫方七月五日生日爲壽

占秋呈瑞四海楊  
公子蹋拖尙帶蓮壺體  
清新春草句

樵中

八

瀟灑蘭亭字宦情少  
眠雲弄月知心事  
此去應無滯穩步煙霄地  
鵬萬里鶴千歲  
他年黃閣老訪我清溪醉  
青鳳舞貽君萬斛瑤花蕊

定風波

紅藥花前欲送春  
金鞭柘彈越芳塵  
故傍繡簾按柳綫  
恰見澹梳妝映瘦腰身  
閒倚金鋪書悶字  
尤擘爲誰憔悴減  
心情放下彩毫勻  
粉淚彈指你不知  
人是不知人

人

蹋莎行 太易生日

梅倚江娥日舒宮  
綫老人星喚羣仙  
宴泛杯玉友暖飛  
浮堆盤金橘光零亂  
聽命寬心隨緣適  
願癡狂贏取

身長健醉中等看碧桃春尊前莫問蓬萊淺

又送子權赴藤

花漲藤江草熏鴨步錦帆蘭橈分春去二翁元是一溪  
雲暫為山北山南雨綠酒多斟白鬚休覩飛丹約定  
煙霞侶與君先占赤城春回橈早趁桃源路

夢玉人引和祝聖俞

浪萍風梗寄人閒倦為客夢裏瀛洲姓名誤題仙籍斂  
翅歸來愛小園蛻籜簾篔簹碧新種幽花戒兒童休摘  
放懷隨分各逍遙飛鷄等鵬翼舍此蕭閒問君攜杖安  
適諸彥羣英詩酒皆勍敵太平時向花前不醉如何休  
得

梅中

九

一落索

一夜雨聲連曉青燈相照舊時情緒此時心花不見人  
空老可惜春光閒了陰多晴少江南江北水連雲問  
何處尋芳草

又

慣被好花留住蝶飛鶯語少年場上醉鄉中容易放春  
歸去今日江南春暮朱顏何處莫將愁緒比飛花花  
有數愁無數

漁家傲

誰轉琵琶彈側調征塵萬里傷懷抱客散黃昏庭院悄  
燈相照春寒燕子歸來早可惜韶光虛過了多情人

已非年少只恐鶯啼春又老知音少人閒何處尋芳草  
又石夷仲一姬去念之止小妓燕燕

鑑水稽山塵不染歸來賀老身強健有客跨鯨遊汗漫  
留羽扇玉船取酒青鸞勸莫恨飛花容易散仙家風  
味何曾減春色一壺丹九轉堪爲伴雕梁幸有輕盈燕  
又

畏暑閒尋湖上徑雨絲斷送涼成陣風裏芙蓉斜不整  
沈紅影約回萍葉波心靜催喚吳姬迎小艇妝花燭  
燄明相映飲到夜闌人卻醒風雨定欲歸更把闌干凭  
望江南

炎晝永初夜月侵牀露臥一叢蓮葉畔芙蓉香細水風

標中

涼枕上是仙鄉浮世事能有幾多長白日明朝依舊  
在黃花非晚是重陽不用苦思量

十二時

連雲衰草連天晚照連山紅葉西風正搖落更前溪鳴  
咽燕去鴻歸音信絕問黃花又共誰折征人最愁處

送寒衣時節

南鄉子

宮樣細腰身玉帶羅衫穩試新小底走來宣對御催頻  
曲殿西廂小苑門歌舞鬪輕盈不許楊花上錦茵勸  
得君王眞箇醉承恩金鳳紅袍印粉痕

又

風雪打黃昏別殿無人早閉門拜了天香羅袖冷低顰  
催滅銀燈解繡裙金鴨臥殘薰看破屏風數淚痕回  
首昭陽天樣遠銷魂又過梅花一番春

行香子

寶篆香沈錦瑟塵侵日長時懶把金鍼裙腰暗減眉黛  
長顰看梅花過梨花謝柳花新春寒院落燈火黃昏  
悄無言獨自銷魂空彈粉淚難託清塵但樓前望心中  
想夢中尋

憶帝京

元來老子曾垂教挫銳和光爲妙因甚不聽他強要爭  
工巧只爲忒惺惺惹盡閒煩惱你但莫多愁早老你

樵中

二

但且不分不曉第一隨風便倒拖第二君言亦大好管  
取沒人嫌便總道先生俏

桃源憶故人

飄蕭我是孤飛雁不共紅塵結怨幾度蓬萊清淺側翅  
曾傍看有時飛入西真院許趁風光流轉玉蕊□花  
開徧可惜無人見

又

小園雨霽秋光轉天氣微寒猶暖黃菊紅蓀庭院翠徑  
苔痕軟眼前明快眉閒展細酌霞觴不淺一曲廣陵  
彈徧目送飛鴻遠

又

雨斜風橫香成陣春去空留春恨歡少愁多因甚燕子  
渾難問碧尖蹙損眉慵暈淚溼燕支紅沁可惜海棠  
吹盡又是黃昏近

又

西樓幾日無人到依舊紅圍綠繞樓下落花誰掃不見  
長安道碧雲望斷無音耗倚徧闌干殘照試問淚彈  
多少溼徧樓前草

又

誰能留得朱顏住枉了百般辛苦爭似蕭然無慮任運  
隨緣去人人放著逍遙路只怕君心不悟彈指百年  
今古有甚成虧處

樵中

三

又

玉笙吹徹清商後寂寞弓彎舞袖巧畫遠山不就只爲  
眉長皺靈犀望斷星難透立到淒涼時候今夜月明  
如畫人共梅花瘦

好事近

春雨細如塵樓外柳絲黃溼風約繡簾斜去透窗紗寒  
碧美人慵翦上元燈彈淚倚瑤瑟卻上紫姑香火問  
遼東消息

又

春雨鬧元宵花綻柳眠無力風峭畫堂簾幙卷金泥紅  
溼王孫開宴聚嬌饒越山洗愁碧休說鳳凰城裏少



年時蹤迹

又子權攜酒與弟姪相訪作

驚見老仙來觸目琳瑯奇絕打酒道人林下奏醉翁三疊接離傾倒海雲飛物色又催別回權晚江春雨勝剡溪風雪

又清明百七日洛川小飲和駒父

春去尙堪尋莫恨老來難卻且趁禁煙百七醉殘英餘萼坐閒玉潤賦妍辭情語見真樂引滿瘦杯竹瓊勝黃金鑿落

又漁父詞

搖首出紅塵醒醉更無時節活計綠蓑青笠慣披霜衝

樵中

三

雪晚來風定釣絲閒上下是新月千里水天一色看

孤鴻明滅

又

眼裏數閒人只有釣翁瀟灑已佩水仙宮印惡風波不怕此心那許世人知名姓是虛假一權五湖三島任船兒尖耍

又

漁父長身來只共釣竿相識隨意轉船回權似飛空無迹蘆花開落任浮生長醉是良策昨夜一江風雨都不曾聽得

又

撥轉釣魚船江海盡爲吾宅恰向洞庭沽酒卻錢塘橫  
笛醉顏禁冷更添紅潮落下前磧經過子陵灘畔得  
梅花消息

又

短櫂釣船輕江上晚煙籠碧塞雁海鷗分路占江天秋  
色錦鱗撥刺滿籃魚取酒價相敵風順片帆歸去有  
何人留得

又

猛向這邊來得箇信音端的天與一輪釣綫領煙波千  
億紅塵今古轉船頭鷗鷺已陳迹不受世閒拘束任  
東西南北

標中

古

又

綠泛一甌雲留住欲飛胡蝶相對夜深花下洗蕭蕭風  
月從容言笑醉還醒爭忍便輕別只願主人留客更  
重斟金葉

又

失卻故山雲索手指空爲客尊菜鱸魚留我住鴛鴦湖  
側偶然添酒舊壺小醉度朝夕吹笛月波樓下有  
何人相識

又

深住小溪春好在柳枝桃葉風澹水軒人靜數雙飛胡  
蝶日長時有一鶯啼蘭佩爲誰結銷散舊愁新恨泛

琴心三疊

又

我不是神仙不會鍊丹燒藥只是愛閒耽酒畏浮名拘  
縛種成桃李一園花真處怕人覺受用現前活計且  
行歌行樂

長相思

昨日晴今日陰樓下飛花樓上雲闌干雙淚痕 江南  
人江北人一樣春風兩樣情晚寒潮未平

又

海雲黃橘洲霜如箭灘頭石似羊溪船十丈長 人難  
量水難量過險方知著甚忙歸休老醉鄉

樵中

五

烏夜啼

翦勝迎春後和風入律頻催前回下葉飛霜處紅綻一  
枝梅 正遇時調玉燭須添酒滿金杯尋芳伴侶休閒  
過排日有花開

沙塞子

萬里飄零南越山引淚酒添愁不見鳳樓龍闕又驚秋  
九日江亭閒望蠻樹繞瘴雲浮腸斷紅蕉花晚水西  
流

又大悲再作

蠻徑尋春春早千點雪已飛梅席地插花傳酒日西催  
莫作楚囚相泣傾銀漢洗瑤池看盡人閒桃李拂衣

歸

西江月

日望朝來

澹澹薰風庭院  
青青過雨園林  
銅駝陌上舊鶯聲  
今日江邊重聽  
落帽酒中有趣  
題橋琴裏無心  
香殘沈水  
縷煙輕花影闌  
干人靜

又

琴上金星正照  
硯中鸚眼相青  
閒來自覺有精神  
心海風恬浪靜  
且喜面前花好  
更聽林外鶯新  
瓊頭清粹  
洞庭春醉裏  
徐行路穩

又

元是西都散漢  
江南今日衰翁  
從來顛怪更心風  
做盡

又

百般無用  
屈指八旬將到  
回頭萬事皆空  
雲閒鴻雁  
草閒蟲共我  
一般做夢

又

窮後常如囚繫  
老來半似心風  
飢蚊餓蚤不相容  
一夜何曾做夢  
被我不弱不提  
廓然總是虛空  
寺鐘官角  
任西東別弄些  
兒骨董

又

世事短如春夢  
人情薄似秋雲  
不須計較苦勞心  
萬事原來有命  
幸遇三杯酒好  
況逢一朵花新  
片時歡笑  
且相親明日陰  
晴未定

又

日日深杯酒滿朝朝小圃花開自歌自舞自開懷且喜  
無拘無礙青史幾番春夢黃泉多少奇才不須計較  
與安排領取而今現在

又

正月天饒陰雨江南寒在晨朝嬌鶯聲嫩杏花梢暗澹  
綠窗春曉好夢空留被在新愁不共香銷小樓簾卷  
路迢迢望斷天涯芳草

又石夷仲去姬復歸

織素休尋往恨攀條幸有前緣隔河彼此事經年且說  
蓬萊清淺障面重新團扇傾鬟再整花鈿歌雲舞雪  
畫堂前長共阿郎相見

樵歌卷下

洛陽 朱敦儒 希真

減字木蘭花

接花弄扇碧鬪遙山眉黛晚白玉闌干倚徧春風翠袖  
寒難尋可見何似一雙青翅燕人瘦春殘芳草連雲

日下山

又

尋花攜李紅漾輕舟汀柳外小簇春山溪雨巖雲不飽  
帆相逢心醉容易堆盤銀燭淚痛飲何言犀筋敲殘

玉酒船

又

樵下

東風桃李春水綠波花影外載酒胥山破襖相期落錦  
帆吾曹一醉卻笑新亭人有淚相對清言不覺黃昏

雨打船

又

閒人行李羽扇芒屨塵世外一疊溪山也解分風送客  
帆時平易醉無復驚心并濺淚長揖忘言回櫂桃花

插滿船

又

劉郎已老不管桃花依舊笑要聽琵琶重院鶯啼覓謝  
家曲終人醉多似潯陽江上淚萬里東風國破山河

落照紅

又  
慵歌怕酒今日春衫驚著瘦雙燕簾櫳金鴨香沈客淚  
中琵琶重聽誰信人閒多少恨落日東風吹得桃花  
滿院紅

又秋日飲酒香山石樓醉中作

古人誤我獨舞西風雙淚墮鶴去無蹤木落西陵返照  
紅人閒難住擲下酒杯何處去樓鎖鐘殘山北山南  
兩點煙

又

無知老子元住漁舟樵舍裏暫借權監持節紆朱我甚  
慚不能者止免苦龜腸憂虎尾身退心閒賸向人閒

樵下

活幾年

又

斫魚作鮓酒面打開香可醅相喚同來草草杯盤飲幾  
杯人生虛假昨日梅花今日謝不醉何爲從古英雄  
總是癡

又

今年梅晚懶趁壽陽釵上燕月喚霜催不肯人閒取次  
開低鬟掩袂愁寄玉闌金井外粉瘦香寒獨抱深心  
一點酸

又

無人惜我我自殷勤憐這箇恁峭惺惺不肯隨人獨自

行 乾坤許大只在棘鍼尖上坐依舊多情攬著虛空  
睡到明

又

年衰人老鬢鑠支離君莫笑白日青天我自心情勝少  
年超凡入妙遊戲神通隨意到酒聖詩仙舞權虛空  
駕鐵船

又

虛空無礙你自癡迷不自在撒手遊行到處笙歌擁路  
迎 天然美滿不用些兒心計算莫聽先生引入深山  
百丈坑

又

攜下

三

無人請我我自鋪氈松下坐酌酒裁詩調弄梅花作侍  
兒 心歡易醉明月飛來花下睡醉舞誰知花滿紗巾  
月滿杯

又

花隨人去今夜錢塘江上兩宿酒殘更潮過西窗不肯  
明 小羅金縷結盡同心留不住何處長亭繡被春寒  
掩翠屏

又

有何不可依舊一枚閒底我飯飽茶香瞌睡之時知上  
牀 百般經過且喜青鞵蹋不破小院低窗桃李花開  
春晝長



又

江南春水羅幙黃昏寒未退好箇相知唱到姮娥斂黛  
眉夜闌人醉風露無情花有淚畫角殘時一片參旗

紅杏西

點絳脣

淮海秋風冷城飛下揚州葉畫船催發傾酒留君別  
臥倒金壺相對天涯客陽關徹大江橫絕淚溼杯中月

又

客夢初回臥聽吳語開帆索護霜雲薄澹澹芙蓉落

畫舫無情人去天涯角思量著翠蟬金雀別後新梳掠

又

權下

四

至日春雲萬般祥瑞朝來奏太平時候樂事家家有

玉指呵寒酥點梅花瘦金杯酒與君爲壽只願人長久

又

春雨春風問誰染就江南草燕嬌鶯巧只是參軍老

今古紅塵愁了人多少尊前好緩歌低笑醉向花間倒

又

綠徑朱闌暖煙晴日春來早自家亭沼不問人尋討

攜酒提籃兒女相隨到風光好醉敲紗帽索共梅花笑

柳梢青

狂蹤怪迹誰料年老天涯爲客帆展霜風船隨江月山

寒波碧如今著處添愁怎忍看參西雁北洛浦鶯花

伊川雲水何時歸得

又

松江勝集中秋載酒幽人閒客雲將遲疑桂娥羞颯一  
歡難得 天憐我輩淒涼借萬里晴空湛碧浩浩煙波  
堂堂風月今夕何夕

又

紅分翠別宿酒半醒征鞍將發樓外殘鐘帳前殘燭窗  
邊殘月 想伊繡枕無眠記行客如今去也心下難拚  
眼前難覓口頭難說

又

梅蒸乍熱無處散策芳菲初歇席屢涼莞帳垂黃草天

樵下

五

然奇絕 披襟永晝清風更薦枕良宵皓月一夢遊仙  
輭雲推倒廣寒宮闕

又季女生日

秋光正潔仙家瑞草黃花初發物外高情天然雅致清  
標偏別 仙翁笑酌金杯慶兒女團圓喜悅嫁與蕭郎  
鳳凰臺上長生風月

又

水雲晚照浮生了了霜風衰草日月金梭江山春夢天  
多人少 赤松認得虛空便一向飛騰縹緲直上蓬瀛  
回看滄海淒然長嘯

采桑子 彭浪磯

扁舟去作江南客，旅雁孤雲萬里煙。塵回首中原淚滿巾。  
碧山對晚汀洲冷，楓葉蘆根日落波平。愁損辭鄉去國人。

又重陽病起飲酒連夕

天高風勁塵寰靜，佳節重陽葉下瀟湘。碧海晴空一陣霜。  
安排絃管傾芳醞，報荅秋光。晝短歌長，紅燭黃花夜未央。

又

一番海角淒涼夢，卻到長安翠帳犀簾。依舊屏斜十二山。  
玉人爲我調琴瑟，黛低鬢雲散。香殘風雨蠻溪半夜寒。

秘下

六

憶秦娥 若無置酒朝元亭，師厚同飲作

西江碧，江亭夜燕天涯客。天涯客，一杯相屬，此夕何夕。  
燭殘花冷歌聲急，秦關漢苑無消息。無消息，戍樓吹角，故人難得。

又

霜風急，江南路上梅花白。梅花白，寒溪殘月，冷村深雪。  
洛陽醉裏曾同摘，水西竹外常相憶。常相憶，寶釵雙鳳鬢，邊春色。

又

吳船窄，吳江岸下長安客。長安客，驚塵心緒，轉蓬蹤迹。  
征鴻也是關河隔，孤飛萬里誰相識。誰相識，三更月

落斗橫西北

又至節赴郡會教到

歌鐘列公堂盛會酬佳節  
酬佳節皇恩宣布早梅爭發  
舞場椎鼓催回雪金壺斂酒瓊  
酥熱瓊酥熱今朝不飲幾時歡悅

卜算子 除夕

江上見新年夜聽春雨有箇人人領略春粉澹紅輕  
注 深勸玉東西低唱黃金縷撚底梅花總是愁酒盡  
人歸去

又

陌上雪銷初纔得江梅信  
翦綵盤金院落香便覺燒燈

糖下

近 樂事眼前多春酒今年勝好趁迎梅接柳時滿引

金杯飲

又

碧瓦小紅樓芳草江南岸  
雨後紗窗幾陣寒零落梨花  
晚 看到水如雲送盡鴉成點  
南北東西處處愁獨倚  
闌干徧

又

古澗一枝梅免被園林鎖  
路遠山深不怕寒似共春相  
趁 幽思有誰知託契都難  
可獨自風流獨自香明月  
來尋我

又

灼灼一枝桃粉豔天然好只被春風擺撼多顏色凋零  
早結子未爲遲悔恨隨芳草不下山來不出溪待守  
劉郎老

又

旅雁向南飛風雨羣初失飢渴辛勤兩翅垂獨下寒汀  
立鷗鷺苦難親矰繳憂相逼雲海茫茫無處歸誰聽  
哀鳴急

又

山曉鷓鴣啼雲暗瀧州路榕葉陰濃荔子青百尺桄榔  
樹盡日不逢人猛地風吹雨慘黯蠻溪鬼峒寒隱隱  
聞銅鼓

權下

八

清平樂

亂紅深翠樓閣春風外胡蝶成團飛照水睡鴨無人驚  
起身閒更覺身輕酒壺歌扇隨行芳草綠楊堤畔一  
聲初聽啼鶯

又木樨

人間花少菊小芙蓉老冷澹仙人偏得道買定西風一  
笑前身原是疏梅黃姑點碎冰肌惟有暗香長在飽  
參清露霏微

又

相留不住又趁東風去樓外夕陽芳草路今夜短亭何  
處杏花斜壓闌干朱簾不卷春寒惆悵黃昏前後離

愁酒病厭厭

又

多寒易雨春事都相誤  
愁過黃昏無著處  
寶篆燒殘香縷  
低鬟暗摘明璫  
羅巾挹損殘妝  
檐外幾聲風玉丁  
東敲斷人腸

又

春寒雨妥花萼紅難破  
繡綫金鍼慵不作  
要見秋千無那  
西鄰姊妹丁寧尋芳  
更約清明畫箇丙丁帖子  
前階後院求晴

又

當初相見君恨相逢晚  
一曲秦箏彈未徧  
無奈昭陽人

樵下

九

怨便教恩淺情疏  
隔花空望金輿  
春晚不拈紅粉碧  
窗自錄仙書

昭君怨  
悼亡

朧月黃昏亭榭池上秋  
千初架燕子說春寒  
杏花殘  
淚斷愁腸難斷  
往事總成幽怨  
幽怨幾時休  
淚還流  
浣溪沙  
季欽擁雙妙麗使來求長短句爲賦

折桂歸來懶覓官  
十年風月醉家山  
有人挾瑟伴清閒  
楚畹飛香蘭結佩  
藍田生暖玉連環  
擁書萬卷看雙

鸞

又玄真子有漁父詞爲添作

西塞山邊白鷺飛  
吳興江上綠楊低  
桃花流水鱖魚肥

青箬笠將風裏戴短蓑衣向雨中披斜風細雨不須

歸

銀海清泉洗玉杯恰篋白酒冷偏宜水林檎嫩折青枝  
爭看使君長壽曲旋教法部太平詞快風涼雨火雲

又摧

碧玉闌干白玉人倚花吹葉忍黃昏蕭郎一去又經春  
眉澹翠峰愁易聚臉殘紅雨淚難勻纖腰減半綠羅

又裙

樵下

十

雨溼清明香火殘碧溪橋外燕泥寒日長獨自倚闌干  
脫簾修篁初散綠褪花新杏未成酸江南春好與誰

又看

風落芙蓉畫扇閒涼隨春色到人閒乍垂羅幙乍飛鸞  
好把深杯添綠酒休拈明鏡照蒼顏浮生難得是清

又歡

才子佳人相見難舞收歌罷又更闌密將春恨繫幽歡  
結子同心香佩帶帕兒雙字玉連環酒醒燈暗忍重

看

又贈賈大夫歌者其人嘗在大家夫獻賦回京

晚菊花前斂翠蛾 授花傳酒緩聲歌 柳枝團扇別離多

擁髻淒涼論舊事 曾隨織女度銀梭 當年今夕奈愁

何人憐妾入宮華

阮郎歸

幽香盡 孤燭殘 春夢短 寄書與 不教 秋風 吹散

柳花陌上撚明璫 嬌紅新樣妝 恩恩曾貯一襟香 月痕

金縷涼 分淚扇 掩離觴 春殘人斷腸 錦書難寄雁飛

忙池塘芳草長

生查子

臥病獨眠人 無月中秋節 澹照碧紗燈 冷看銀屏雪

風露轉蕭寒 砧杵添淒切 伏枕漫書空 到曉愁難說

樵下

士

眼兒媚 席上瑞香

青錦成帷瑞香濃 雅稱小簾櫳 主人好事 金杯留客 共

倚春風 不知因甚來塵世 香似舊曾逢 江梅退步 幽

蘭偷眼迴避芳叢

又

疊翠闌紅 鬪纖濃雲雨 綺為籠 只憂謝了 偏須著意 障

雨遮風 瑞雲香霧 雖難覓 驀地有時逢 不妨守定從

他人歎老入花叢

又

紫帔紅襟 豔爭濃光彩 燦疏櫳 香為小字 瑞為高姓 道

骨仙風 此花合向瑤池種 可惜未遭逢 阿環見了羞



回眼尾愁聚眉叢

訴衷情

青垂柳綫水平池芳徑燕初飛日長事少人靜山繭換  
單衣簫鼓遠篆香遲卷簾低半牀花影一枕松風午  
醉醒時

又

老人無復少年歡嫌酒倦吹彈黃昏又是風雨樓外角  
聲殘悲故國念塵寰事難言下了紙帳曳上青氍一  
任霜寒

又

青旗綵勝又迎春暖律應祥雲金盤內家生菜宮院徧

標下

三

承恩時節好管絃新度昇平惠風遲日柳眼梅心任  
醉芳尊

又

月中玉兔日中鴉隨我度年華不管寒暄風雨飽飯熱  
煎茶居士竹故侯瓜老生涯自然天地本分雲山到  
處爲家

菩薩蠻

老人諳盡人閒苦近來恰似心頭悟九九是重陽重陽  
菊散芳出門何處去對面誰相語枕臂臥南窗銅鑪

柏子香

又

芭蕉葉上秋風碧晚來小雨流蘇溼新甯木樨沈香遲  
斗帳深無人同向夕還是愁成憶憶昔結同心鴛鴦  
何處尋

又

風流才子傾城色紅纓翠幃長安陌夜飲小平康暖生  
銀字簧持杯留上客私語眉峰側半冷水沈香羅帷  
宮漏長

又

鄉關散盡當年客春風寂寞花無色長日掩重門江山  
眼外昏畫圖高掛壁嵩少參差碧想見臥雲人松黃  
落洞門

樵下

三

又

芙蓉紅落秋風急夜寒紙帳霜華溼枕畔木瓜香曉來  
清興長輕舟青箬笠短檣溪光碧去覓謝三郎蘆花  
何處藏

雙鷓鴣

拂破秋江煙碧一對雙飛鷓鴣應是遠來無力捎下相  
偎沙磧小艇誰吹橫笛驚起不知消息悔不當時描  
得如今何處尋覓

鼓笛令

紙帳綢衾忒暖儘自由橫翻倒轉睡覺西窗燈一盞恰  
聽打三更三點殘夢不須深念這些箇光陰煞短解

散韁繩休繫絆把從前一筆句斷

西湖曲

今冬寒早風光好休怪攬先斂絮帽蟹肥一箇可稱觴  
酒美三杯真合道年年閒夢垂垂了且喜風松吹不  
倒平分兩月是新春卻共梅花依舊笑

風蝶令

試看何時有元來總是空丹砂只在酒杯中看取乃公  
雙頰照人紅花外莊周蝶松閒禦寇風古人漫爾說  
西東何似自家識取賣油翁

謁金門

和李士舉

春怎戀樓外綠催紅殿短袖迎風愁半卷手寒無處暖

權下

古

目斷蓬萊宮殿引去誰憐誰怨相見不如青翅燕舉

頭長安遠

洛妃怨

拾翠當年延竚解佩感君誠素微步過南岡獻明璫  
襟上淚難再會惆悵幽蘭心事心事永難忘寄君王

燕歸梁

帳掩秋風一半開閒將玉笛吹過雲微雨散輕雷夜參  
差認樓臺暗香移枕新涼住竹外漏聲催放教明月  
上牀來共清夢兩徘徊

相見歡

瀧州幾番清秋許多愁歎我貼閒白了少年頭人閒

事如何是去來休自是不歸歸去有誰留

又

東風吹盡江梅橘花開舊日吳王宮殿長青苔  
今古事英雄淚老相催長恨夕陽西去晚潮回

又

金陵城上西樓倚清秋萬里夕陽垂地大江流  
中原亂簪纓散幾時收試倩悲風吹淚過揚州

又

秋風又到人閒葉珊珊四望煙波無盡欠青山  
浮生事長江水幾時閒幸是古來如此且開顏

又

樓下

五

吟蛩作盡秋聲月西沈淒斷餘香殘夢下層城  
人不見屏空掩數殘更還自舉帷獨坐看青燈

又

當年兩上蓬瀛燕殊庭曾共羣仙攜手鬪吹笙  
雲濤晚霓旌散海鷗輕卻釣松江煙月醉還醒

又

深秋庭院初涼近重陽籬畔一枝金菊露微黃  
鱸膾韻橙齋品酒新香我是昇平閒客醉何妨

如夢令

一夜新秋風雨客恨客愁無數我是臥雲人悔到紅塵  
深處難住難住拂袖青山歸去

又  
好箇中秋時節莫恨今宵無月巖壑一燈青寒浸水香  
留客留客留客相對無言無說

又  
瑤底一盤金鳳滿泛酒光浮動引我上煙霞智力一時  
無用無用無用蹋破十洲三洞

又  
真箇先生愛睡睡裏百般滋味轉面又翻身隨意十方  
遊戲遊戲遊戲到了元無一事

又  
莫恨中秋無月月又不甜不粹幸有蠶頭春閒坐暖雲  
樵下

香雪香雪香雪滿引水晶蕉葉

又  
莫恨中秋無月多點金釭紅蠟取酒擁絲簧迎取輕盈  
桃葉桃葉桃葉唱我新歌白雪

又  
一夜蟠桃吹坼剛道有人偷折幸自沒蹤由無奈蝶蜂  
胡說胡說胡說方朔不須耳熱

又  
好笑山翁年紀不覺七十有四生日近元宵占早燒燈  
歡會歡會歡會坐上人人千歲

春曉曲

西樓落月雞聲急夜浸疏香浙歷五人酒渴嚼春冰曉  
色入簾橫寶瑟

柳枝

江南岸柳枝江北岸柳枝折送行人無盡時恨分離柳

枝酒一杯柳枝淚雙垂柳枝君到長安百事違幾時

歸柳枝

燕下

七

樵歌校記

卷上

水調歌頭 一兩漂流吳枚庵鈔本兩作雨

又三 管絃 酒暖 傳杯 須惜吳本管絃作絃管暖作軟杯作觥借作待

又六 玉繩吳本上行已見二字

水龍吟 一翩然吳本蒼顏

又二 爭回吳本回 念奴嬌 一寄驛人遙 東風 可憐吳本驛作隴人作程東風作溪邊憐

又四 許多 蕲仙吳本許上行計字蕲作修

又五 輕帆吳本輕帆

又六 此際顯吳本顯

蘇武慢 重騎吳本騎

木蘭花慢 一塵染吳本照 帝樂冲吳本作長

又二 招幽吳本招作拍許

洞仙歌 一探袖 向花閒吳本探作戲綵二字

又二 彈指吳本指

滿江紅 一陰森吳本森

望海潮 一詔虹吳本詔

勝勝慢 一飄灑吳本飄

菱荷香 一帳飲吳本帳

下算子慢 一到今吳本到字

下算子慢 一到今吳本到字

下算子慢 一到今吳本到字

下算子慢 一到今吳本到字

醉春風 露重吳本重

蹋歌離訣 時節吳本訣作

鵲橋仙 一依約影 風裏空香吳本依約影作纖瘦有

又三銀漢 三弄 濁世饒伊吳本漢作浮伊作君

又五吹淚 何時吳本吹作分

又六題吳本幽闌 幽闌吳本闌

臨江仙 三十一吳本一

鷓鴣天 忍他寒 竹杖 轉癡頑吳本忍作耐竹

又三分付與 給雨支風券 累上 酒干觴 看侯

又王 醉洛陽吳本分付與作懶慢帶雨作露券作

又四忽聽吳本忽

又十有箇吳本箇

又三逆浪吳本逆

又十帳飲吳本帳

卷中

驀山溪 四各騁吳本騁

又五滿袖吳本袖

醉落魄 殷雨吳本殷

杏花天 一就碧梧吳本就作

浪淘沙 二歸艖吳本歸作

定風波 越芳塵 尤帶吳本越作

蹋莎行 一 等看吳本等



夢玉人引 斂翅吳本翅

望江南 蓮葉畔 仙鄉 非晚吳本畔作伴仙作

十二時 連雲衰草 連天 連山吳本三連字俱

桃園憶故人 秋光吳本光

又四紅圍綠繞吳本紅繞

好事近 長身許本長

又十重斟吳本重

又二十添酒吳本酒

又四耽酒吳本耽

沙塞子 添愁 驚秋吳本添作樹繞

雲吳本雲

又二飛梅 看盡吳本飛作

西江月 琴裏吳本琴

又五酒好吳本好

又六黃泉 與安排吳本黃泉作

又七被在吳本在

卷下

減字木蘭花 二攜李 痛飲 玉酒船吳本李作奈痛

下玉

又三桃李吳本賴作

又七鐘殘 兩點煙吳本鐘殘作

又九人生吳本人

又三遊行吳本遊

又十潮過吳本夜

又六知上吳本知

點絳脣澹澹吳本作

又四花閒吳本閒 柳梢青一怪迹 年老吳本怪作浪

憶秦娥一此夕 燭殘花冷吳本此作今獨殘

又二寶釵吳本寶

又三岸下吳本下

又四鏃酒吳本鏃 卜算子一東西 黃金吳本東西作壺

又七銅鼓吳本銅

清平樂二買定 原是疏梅點碎 惟有長

在飽參 全長作 猶飽參 句作參 差清以 南枝

昭君怨愁腸 吳興吳本興

浣溪沙一吳興 又三洗玉杯吳本洗 訴衷情二下了 紙帳吳本作

菩薩蠻三水沈 吳本水

西湖曲風松 吳本風

燕歸梁上牀 吳本牀

相見歡一貼閒 吳本貼

橋板

四

又二長青苔

吳本作  
鑽蒼苔

又四珊瑚

無盡作  
班班盡作際

柳枝

百事違

吳本違  
作迷

朱希真樵歌直齋書錄解題作一卷其本不傳掣經  
室外集樵歌三卷錄自汲古閣舊鈔愛日精廬鐵琴  
銅劍樓前宋樓藏書志並有其目與直齋所云一卷  
同異殆不可考詞譜采桑子注云調見朱希真太平  
樵唱豈樵歌之異名耶近有梅里許氏臨桂王氏兩  
刊本王刊為吳枚庵鈔校稽錄致詳足資參酌往年  
於家冀良案頭見吾鄉范白舫錯藏鈔一帙與吳鈔  
舉注一作云云十九昭合疑此本校庵先亦寓目惜

樵校

五

皆未著所出今据范本兼校吳本其許本之顯屬訛  
誤者不復贅及他日倘獲直齋一卷本勘之尤足快  
已詞綜亦稱樵歌三卷而所選念奴嬌別離情緒一  
闕為此本及吳許二本所不載又不可解也甲寅四  
月先立夏三日朱孝臧跋

屏山詞



屏山詞目錄

驀山溪

南歌子

滿庭芳

屏目



屏山詞

崇安 劉子翬 彥冲

驀山溪 寄實學

浮煙冷雨今日還重九秋去又秋來但黃花年年如舊  
平臺戲馬無處問英雄茅舍底竹籬東佇立時搔首  
客來何有草草三杯酒一醉萬緣空莫貪伊金印如斗  
病翁老矣誰共賦歸來芟壠麥網溪魚未落他人後

滿庭芳

和明仲木犀花詞

秋入微陰涼生平遠小山愁絕天南似聞還斷飛策徧  
千巖葉底輕黃纂纂惱人是微烈芳緘翛然勝清真冷  
淡無豔寄塵凡 澄潭敲兩岸波光搖動碧影相參任

屏

西風十里吹度松杉我自寒灰槁木口神處不覺醺酣  
歸來晚飛花無迹明月滿空函

南歌子

和章湖州二首

卜夜容三獻微懼極一時風流太守未龐眉放出筆頭  
光燄壓金閨 藻麗花駢蕊清高雪亞枝曼聲恰與貫  
珠宜聽此直教拚得醉翻卮

又

伎倆無多子逍遙自許時閒愁且莫著雙眉恰有梅香  
一點到幽閨 寵辱棋翻局光陰鳥度枝頽然徑醉是  
便宜擬倩潭風吹綠漲瑤卮

雲莊詞



雲莊詞目錄

點絳脣 二

秦樓月

蹋莎行

祝英臺

醉江月 三

浣溪沙

桃源憶故人

鳳棲梧

水調歌頭 二

水龍吟

雲目

一



醉江月 三

祝英臺

蹋莎行

秦樓月

點絳脣 二

水調歌頭

水龍吟

鳳棲梧

桃源憶故人

浣溪沙



雲莊詞

南豐 曾 協 同季

點絳脣送李粹伯赴春闈

小駐征驂一尊古寺留君住六花無數飛舞朝天路  
上苑餘華卻似詞章富春將暮玉鞭凝佇總是經行處  
又汪汝馮置酒請賦芍藥

亂疊香羅玉纖微把燕支汗靚妝無數十里揚州路

怨絲啼紅總道春歸去君知否畫闌幽處留得韶光住

浣溪沙詠芍藥金繫腰海陵席上作

晝漏新來一倍長眾賓霑醉尙傳觴濃雲遮日惜紅妝  
應是主人歸鳳沼爲傳芳訊到黃堂腰圍恰恰束金

黃

秦樓月留別海陵諸公

清秋月長空萬里煙華白煙華白江雲收盡楚天一色  
萼絲惹起思歸客清光正好傷離別傷離別五湖煙

水伴人愁絕

桃源憶故人和翁士秀

野亭問柳今朝試更訪小園開未月下山橫空際兩兩  
修眉對騷人對此增高致意入筆端清邃投分周郎  
心醉眞解消人意

蹋莎行春歸怨別

柳眼傳情花心蹙恨春風處處關方寸朱簾捲盡畫屏

閒雲鬢半鞞羅衣褪 燕語鶯啼日長人困魚沈雁斷  
無音信琵琶聲亂篆煙斜寸腸欲斷無人問

鳳棲梧西溪道中作

柳弄輕黃花泣露萬疊春山不記塵寰路日射霜林煙  
罩素長空不著纖雲汗 歷歷遠村明可數綠漲前溪  
渺渺迷津渡客子光陰能幾許畫圖擬捲晴川去

祝英臺

和翁士秀牡丹韻

放花開催花謝誰解東君意要遣花王獨占花蹊窈且  
看玉鏡臺前霞觴新舉紅玉輦曉妝慵試 好風味須  
信金屋中人誰堪並嬌媚隱約微潮應向尊前醉最憐  
紋錦寒帷青羅飛蓋塵土外輕盈相倚

雲

二

水調歌頭送史侍郎

今日復何日歡動楚江濱紫泥來自天上優詔起元臣  
想見傳嚴夢斷記得金甌名在卻念佩蘭人永晝通明  
殿曾聽話經綸 促歸裝趨北闕覲嚴宸玉階陳迹如  
故天笑一番新好借食閒前箸盡吐胸中奇計指顧靜  
煙塵九萬雲霄路飛走趁新春

又細君生日作

日永向槐夏繞屋樹扶疏麥秋天氣清潤設帳記生初  
新拜小君佳號更過諸郎官舍仍玩掌中珠樂事似今  
少一笑倒雙壺 列山肴烹野蔌且歡娛鹿門遠引平  
生此志與君俱終向茗溪煙水攜手雲莊風月不踐利

名區功業看兒輩相對老江湖

醉江月揚州菊坡席上作

一年好處是霜輕塵斂山川如洗晚菊留花供燕賞金  
縷寶衣銷地舊觀初還層樓相望重見昇平際小春時  
節綺羅叢裏人醉 此日武帳賢侯六年仁政浹長淮  
千里欲入鴈行仍緩帶聊撫竹西歌吹紫塞煙清玉關  
人老宜趣朝天騎香塵歸路舊遊回首應記

又宴葉叔範新第

茗溪古岸有朱門初建落成華屋對啟園林隨杖履迤  
邐柳蹊相屬好是危亭片峰迎面獨立清溪曲蕪城低  
遠一塵不礙遊目 公子豪飲方酣夜堂深靜隱隱鳴

雲

三

絲竹卻盡春寒賓滿座深酌葡萄酒新綠密戶儲香麝庭  
留月待得清歡足紛紛霑醉四筵倒盡羣玉

又詠芍藥

一年好處是滿城紅藥留連□□十里揚州應費了多  
少春工妝飾弱質敲風芳心帶露酒困嬌無力園林綠  
暗粉光低占叢碧 誰與千載聲名翻階高詠出文章  
仙伯閱盡繚華芳意歇初識傾城風格雙臉晞紅春衫  
挽並天巧終難敵十千沽酒筭應花畔消得

水龍吟別故人

楚鄉菰黍初嘗馬蹄偶蹋揚州路蓴絲向老江鱸堪膾  
僮人歸去秋氣蕭騷月華如洗一天風露望重重煙水

吳淞萬頃曾約舊時鷗鷺  
惆悵別離無奈整孤帆依  
然回顧玉龍節底故人情重  
欲行猶駐斂散功多澄清  
志遂好回高步看歸鞍穩上  
文鴛班裏五雲深處

和石湖詞



和石湖詞目錄

下秋  
朝中  
南柯  
西江  
古月  
全奴  
金嬌  
玉人  
引五

和石湖詞目錄

滿江紅四

千秋歲

浣溪沙七

朝中措五

蝶戀花

南柯子三

水調歌頭二

西江月二

鵲橋仙

宜男草二

秦樓月五

念奴嬌五

惜分飛

夢玉人引二

如夢令二

菩薩蠻三

臨江仙二

減字木蘭花五

鷓鴣天四

好事近二

和目

卜算子二

三登樂四

浪淘沙

虞美人四

醉落魄

和石湖詞

東吳 陳三聘 夢啟

滿江紅冬至

薄日輕雲天氣好相將  
祈穀民情喜頌聲洋溢清風斯  
穆飲酒不多元有量吟詩無數添新軸  
對故人一笑我真愚君無俗  
斜川路經行熟黃花在歸心足問淵明  
去後有誰能屬神武衣冠驚夢裏  
江湖漁釣論心曲但從今散髮更披襟誰能束

又

天豈無情天若道有情亦老  
功名事問天因甚蒙人不  
了好伴雲煙耕谷口休將翰墨傳  
江表算鬢邊能得幾

和

春風驚秋早

陶令尹張京兆懷舒嘯食榮耀盡南柯

一夢漏殘鐘曉膝閣暮霞孤鶩舉  
庾樓明月飛烏繞念老來於此與無窮  
知音少

又雨後攜家遊西湖荷花盛開

紺縠浮空山擁髻晚來風急吹驟雨  
藕花千柄豔妝新  
浥窺鑑粉光猶有淚凌波羅襪何曾溼  
訝漢宮朝罷玉皇歸凝情立  
尊前恨歌三疊身外事輕飛葉悵當年  
空擊誓江孤檝雲色遠連平野盡夕陽  
偏傍疏林入看月明冷浸碧琉璃君須吸

又

斜日鎔金三萬頃  
棹歌齊舉風不動  
采蘋雙漿翠鬢相

語月殿欲浮蟾免魄海神不放魚龍舞到今宵秋氣十分清無今古君試喚扁舟侶來伴我瀟湘渚共夷猶春浪笑歌秋浦霸越獨高身退後塵纓未濯人誰許歎酒杯不到子陵臺劉伶土

千秋歲重到桃花塢

當年漁隱路轉桃溪匯流水下青山外客行花徑曲月上松門對撐艇子雪中蓑笠親曾載老去誰傾蓋腰瘦頻移帶人健否花仍在明年春更好來向花前醉青鬢改恁時難拚千金買

浣溪沙燭下海棠

酒力先從臉暈生粉妝新麗笑相迎曉寒高護彩雲輕

利

二

不語似愁春力淺有情應恨燭花明更於何處覓傾

城

又

翠幕遮籠錦一叢尊前初見淺深紅淡雲和月影蔥蘢醉態只疑春睡裏啼妝愁聽雨聲中更燒銀燭醉東

風

又新安驛席上留別

不怕春寒更出遊蘭橈飛動卻驚鷗煙光佳處輒遲留屏曲未曾歌醉夢眉尖空只鎖閒愁從教絲柳絆行

又舟



越浦潮來信息通，吳山不見暮雲重。  
人生何事各西東，煙外好花紅淺淡。  
雨餘芳草綠蔥蘢，苦無歡意敵春

濃

又元夕後三日王文明席上

點檢尊前花柳叢，於中偏占牡丹風。  
等閒言語慣迎逢，扇影不搖珠的皪。  
釵梁斜鞞玉玲瓏，夢魂長向楚江

東

又

不躍銀鞍與繡鞵，曲筇芒屨見衰年。  
尋幽來立渡頭船，碧澗芹羹珍下筯。  
紅蓮香飯樂歸田，不妨尊酒興悠

然

和

三

又

簾押低垂月影疏，梅枝和雪玉香扶。  
兒家春信入來無，半墜寶釵慵覽鏡。  
任偏羅髻卻拈書，琴心誰與問相

如

朝中措丙午立春大雪是歲十二月九日丑時立春

朝來和氣滿西山，拄頰小闌干。  
柳色野塘幽興，梅花紙帳輕寒。  
三杯淡酒，玉腴蔬嫩，青縷堆盤。  
細寫池塘詩夢，玉人翦做春幡。

又

求田何處是生涯，雙鬢已先華。  
隨分夏涼冬暖，賞心秋月春花。  
當年如此愁來，問酒困後呼茶。  
結社竹林詩

老卜鄰江上漁家

又

去年曾醉杏花坊，柳色閒輕黃。重覓舊時行迹，春風滿路，梅香平沙。岸草夫差，故國知是吾鄉。夢斷數聲柔艣，只應已過橫塘。

又

草堂春過一分餘，幽事酒醒初。琴調細鳴焦木，矢聲不斷銅壺。關心藥裏，忘年蓑笠，自著潛夫。雨後長鏡東麓，月明短艇西湖。

又

秋山橫截半湖光，湖渚橘枝黃。紈扇罷搖蟾影，練衣已

和

四

怯風涼。插紅裂鱗銀絲鱸，鮓莫負傳觴。醉裏乾坤廣大人間，寵辱兼忘。

蝶戀花

閬闔城西山四面，鴨綠鱗鱗。輕拍橫塘岸。一陣東風羊角轉。望中已覺孤帆遠。獨恨尋芳來較晚。柘老桑稠。農務村村徧。山鳥勸酤官酒賤。炊煙深巷聽縹緲。

南柯子

別後驚人遠，歸心怯艣柔。晚天涼思冷於秋。冷浸一溪明月水，瀾流醉裏狂。仍在吟餘趣。極幽夜深何用數。更籌別有好風吹酒不須求。

又

煙樹觀前浦風蘋聽道州等閒來上水邊樓悵望天涯  
何處有歸舟香斷燈花夜歌停扇影秋欲緘尺素說  
離愁不見雙魚空有大江流

又七夕

月傍雲頭吐風將雨腳吹夜深烏鵲向南飛應是星娥  
顰恨入雙眉舊怨垂千古新歡只片時一年屈指數  
佳期到得佳期別了又相思

水調歌頭

玉鑑十分滿清露一年秋漂流蹤迹誰念楚尾與吳頭  
此夜刮明塵眼望極好張詩瞻何處有高樓浩蕩銀潢  
冷縹緲白雲浮笑勞生難坎止亦乘流闌干拍碎清

和

五

夜起舞不勝愁萬里關河依舊一寸功名烏有清淚滴  
衣裘老去心空在歸夢繞蘋洲

又燕山九日作

有客念行役勁氣凜於秋男兒未老銜命如虜亦風流  
決定平戎方略恢復舊燕封壤安用割鴻溝莫獻肅霜  
馬好衣白狐裘我何人懷壯節但凝愁平生未逢知  
已噲伍實堪羞金馬文章何在玉鼎勳庸何有一笑等  
雲浮拚斷好風月羯鼓打梁州

西江月

詩眼曾逢花面畫圖還識春嬌當年風格太妖饒粉膩  
酥柔更好酒量不温香臉玉慵猶怯輕綃春風別後

又秋高再見只應人老

又

春事已濃多日遊人偏盛今年梨花寒食雨餘天鴨綠  
含風浪淺翠袖半黏飛粉羅衣尙怯輕寒不辭歸路  
委香鈿門外東風如箭

鵲橋仙

七夕

銀潢仙仗難多會少朝暮世情休妒夜深風露灑然秋  
又莫是輕分淚雨雲收霧散漏殘更盡遙想雙星情  
緒憑誰批敕訴天公待留住今宵休去

宜男草

搖落丹楓素秋後舞長亭尙餘衰柳別夢回憶得霜柑

和

六

分我應自有濃香喚手宿醒誰解三杯酒曉山橫望  
中銜斗人去也縱得相逢似舊問當日紅顏在否

又

綠水黏天淨無浪轉東風縠紋微漲箇中趣莫遣人知  
容我日日扁舟獨往平生書癖已無恙解名韉更逃  
羈網春近也梅柳頻看枝上玉藥金絲暗長

秦樓月

雲衣薄春晴自有東風掠東風掠試聽枝上幾聲乾鵲  
曲屏心事新題卻離愁何用堆眉角堆眉角今朝莫  
是打頭風惡

又

花前狹翠茵圍坐花陰合花陰合閒情不似一雙狂蝶  
春溝何處尋紅葉春寒料想羅衣怯羅衣怯午醺醒  
未翠衾重疊

又

光風薄楊花欲謝春應覺春應覺一庭紅杏粉花吹落  
台遊無復飛紅索憑高獨上湖邊閣湖邊閣黃昏獨  
倚畫闌西角

又

青樓缺樓心人待黃昏月黃昏月入簾無柰柳絲吹雪  
誰人弄笛聲嗚咽傷春未解丁香結丁香結鱗鴻何  
處路遙江闊

和

七

又

春膏集新雷忽起龍蛇螫龍蛇螫柳塘風快水流聲急  
傷心有淚憑誰浥尊前容易青衫溼青衫溼渡頭人  
去野船鷗立

念奴嬌

浮雲吹盡捲長空千頃都凝寒碧兔杵無聲風露冷天  
也應憐人寂故遣姮娥駕蟾飛上玉宇元同色天津何  
事此時偏界南北不但對影三人我歌君和我舞君  
須拍滌洗胸中愁萬斛莫問今宵何夕老矣休論著鞭  
安用一笑真狂客夜深歸去爛然溪上阡陌

又

晴風麗日算東君拆徧梅心桃萼獨有名花開殿後一  
笑嫣然如昨黃袂層層霞冠高擁多態春纔覺雨巾風  
帽故人來趁花約好是羅綺添春香風環坐半醉金  
釵落老去心情難似舊手撚花枝爲樂麝馥縈愁妝花  
凝恨莫惜金荷酌酒闌花睡夢魂重到京洛

又

水空高下望沈沈一色渾然蒼碧天籟不鳴涼有露金  
氣橫秋寂寂玉宇瓊樓望中何處月到天中極御風歸  
去不愁衣袂無力此夜飄泊孤篷短歌誰和自笑狂  
蹤迹咫尺藍橋仙路遠宵宵雲英消息疏影婆娑恍然  
身世我是尊前客一聲悽怨倚樓誰弄長笛

和

八

又

餘霞飛綺望長天頃刻雲容凝碧今夕江皋風力軟明  
日波心頭白客舸東流語離深夜遣我新愁積春融花  
麗定知天相行色別後一紙鄉書故人相問好趁秋  
鴻翼空有佳人千點淚錦字機中曾織利鎖名韉古今  
同是誰失知誰得來朝愁望舊樓何處西北

又和徐尉遊石湖

扁舟此計問當年誰與尋盟鷗鳥許國勳名彝鼎在風  
月不妨吟笑碧草臺邊紅雲溪上壽杖扶詩老水浮天  
處未應俗駕曾到盛事埒美知章鑑湖君賜宸翰今  
題號指點飛煙輕靄外有路直通仙島蓑笠漁船琴書

客坐清夜尊疊倒未須歸去片蟾初上林表  
惜分飛

莫唱驪駒容首聚花徑重來微步從此朝天去故山怨  
鶴栖猿侶 試卜西園春在否無奈濛濛細雨明日長  
亭路斷魂芳草人何處

夢玉人引

別來何處酒醒後夢難覓晚日溪亭清曉便挂帆席滿  
載離愁指去程還作江南行客目斷層城數迢迢山驛  
素中空染淚痕斑應是暗中滴記得輕分玉簫猶自  
淒咽昨夜東風梅柳驚春色料伊也沒心情過卻好天  
良夕

和

九

又

倚闌干久人不見暮雲碧芳草池塘春夢暗驚詩客昨  
夜溪梅向空山雪裏輕勻顏色好贈行人折枝南枝北  
雨中風帽昔追遊誰念舊蹤迹料得疏籬暗香時度  
風息淡月微雲何人消得便歸去踏溪橋慰我經年  
思憶

如夢令

紅紫不將春住風定更飄無數溪漲綠含風短艇晚橫  
沙渡歸去歸去肯念西池鴛鴦

又

珍重故人相許來向水亭幽處文字閒金釵消盡晚天

微暑無雨無雨不比尋常端午

菩薩蠻

筇枝探得梅開了青鞋漸踏江頭草  
日日作東風海棠相次紅離多良會少  
此計應須早莫待作行人卻將愁送春

又元夕立春

春城辦得紅蕖了紅蕖未點春先到  
新月入新年方纔今夜圓雲屏誰爲隔  
腸斷金釵客好語寫春旂都教席上看

又

楊花滿院飛紅索春光不似人情薄  
樓閣斷霞明梨花

和

十

開晚晴玉虬香散後扶困三杯酒不是聽思歸歸心

思此時

臨江仙

夜飲只愁更漏促留連笑靨蓄  
薇歌聲繚繞徹簾幙坐中清  
淚落梁上暗塵飛重覩舞腰驚  
束素不應更褪羅衣別來容易見  
來稀次公狂已甚不醉亦忘歸

又

白首故人重會面論文爾汝忘形從  
今心迹喜雙清飛鴻追往事爲蝶笑  
餘生琥珀杯濃春正好此懷端爲君  
傾舊時猿鶴敢寒盟鳩居從拙計  
鵬翼任高程減字木蘭花



凝雲不動玉海無聲千丈凍來倚闌干襟袖憑虛徹骨  
寒歸心易折後夜月明應恨別罨畫圖邊著我披蓑  
上釣船

又

東籬黃菊細燃香枝人事熟少緩芳尊且醉農家麩米  
春老人齋戒底事新來移角帶歸夢相關明月松江  
萬頃寬

又

盈盈嫋嫋欲問卿卿還好無奈嬌何摺摺湘裙薄薄  
羅尊前顧曲舞作回風花拍促壓盡時流棋裏輸伊  
一百籌

和

上

又

先生困熟萬卷書中聊託宿似怯清寒更熱都梁向博  
山遊仙夢香啼鳥聲中春又曉未著烏紗獨坐溪亭  
數落花

又

殷勤舉白昨夜東風猶有雪莫恨春遲曾見梅花第一  
枝陰晴未決早晚清明新火活萼繞秦樓欲趁歸潮  
上客舟

鷓鴣天

酒暈從教上臉丹春愁何事點眉山都將別後深深意  
且向尊前細細看多少恨說應難粉巾空染淚爛斑

鑪猊爭鴈長閒卻明月樓心夜正寒

又

指剝春蔥去采蘋衣絲秋藕不沾塵眼波明處偏宜笑  
眉黛愁來也解顰 巫峽路憶行雲幾番曾夢曲江春  
相逢細把銀缸照猶恐今宵夢似真

又

昨夜東風怒不成曉來猶自掃殘英半酸梅子連枝重  
無力楊花到地輕 情易感涕先零玉蚪香冷更淒清  
事如芳草縣縣遠恨比浮雲再再生

又雪梅

翦碎霜綃巧作團玉纖特地破朝寒疏花好向釵橫見

和

五

瘦影難敲月墮看 將舊恨入眉彎不須多樣纓金旛  
當時千點東風淚怪見妝成粉未乾

好事近

我欲御天風飛上廣寒宮闕撼動一輪秋桂照人閒愁  
絕 歸來須著酒消磨玉面點紅纈起舞爲君狂醉更  
何須邀月

又

枝上幾多春數點不融香雪縱有筆頭千字也難誇清  
絕 豔桃穠李敢爭妍清怨笛中咽試策短筇溪上看  
影浮波月

小算子

雪後竹枝風醉夢風吹醒瘦立寒階滿地春淡月梅花  
影門外轆轤寒曉汲暄金井長笛何人更倚樓玉指  
風前冷

又

澗下水聲寒壑底松風靜時有清香度竹來步月尋疏  
影 往事屬東風試問花應省曾是花前把酒人別夢  
溪堂冷

三登樂

南北相逢重借問古今齊楚燭花紅夜闌共語悵六朝  
興廢但倚空高樹目斷帝鄉夢迷鴈浦 故人疏梅驛  
斷音書有數塞鴻歸過來又去正春濃依舊作天涯行

和

三

旅傷心望極淡煙細雨

又

注望曉山晴色麗晨餐應飽穀紋平漲天渺渺倚藤枝  
撐艇子昔遊曾到江山自古水雲轉好 悵年來心縱  
在盟寒鷗鳥故人中黑頭漸少問幾時尋舊約石磯重  
掃一竿釣月鬢霜任老

又

久蟄羣虬猶未肆新雷初啟鼓東風雨膏爲洗望橫塘  
越溪路石湖煙水西接洞庭下連甫里 憶當年歸計  
早扁舟從此祖清風相門有幾圃堂高應解笑紛紛蝸  
蟻錦囊雪月更看醉裏

又  
一品歸來強健日小園幽圃扁舟興恐天未許想當年  
持漢節眾齊咻楚丹忠此日盛名千古 按詞章師海  
內緯文經武莫寒盟故山舊侶到鱸鄉還是秋風斜  
雨鳴刀鱸雪未應便去

浪淘沙

風雨晚春天芳興慵慳淺紅稠綠滿園閒獨有梨花三  
四朵留住春寒 年少躍金鞍咫尺關山倦飛如我已  
知還灑向東風千點淚衣上重看

虞美人 寄人覓梅

融融睡覺東風息行到溪亭側一枝梅玉似人人索笑

和

西

依然消瘦不禁春 相逢試問情多少應怪山翁老翠  
羅高護結花鄰一任餘芳爭學捧心顰

又

天公意向人情滿燈月教同看中秋雖是十分明不比  
今宵處處有華燈 豔桃穠李歌闌後更醉青樓酒不  
妨飲盡玉東西橫笛聲中春色要君知

又

飛瓊曉壓梅枝重酒面羊羔凍誰將縞帶逐車翻明月  
秦樓昨夜不勝寒 何須捲起重簾幕愁怕春羅薄玉  
杯持勸醉厭厭無柰有人籠袖出香尖

又紅木犀

乾紅翦碎煩纖玉相竝黃金粟漢宮素面說明妃馬上  
秋風應解著燕支黃昏小樹堪愁絕不比梅花月滿  
天風露透肌涼插取雙枝歸去是誰香

醉落魄元夕

東風寒絕江城待得花枝發欲知此夜碧天闊

下缺

大參相公望重百僚名滿四海有志之士口願見而  
不可得者也一日客懷詩詞數十篇相示曰此大參  
范公近所作也三聘正容斂衽登受謝客曰夫珍奇  
之觀得一而足況坐羣玉之府心目爲之洞駭足之  
至者止於此乎客之賜厚無以加旣去披吟累日輒

和

五

以蕪言屬韻可笑其不自量矣然使三聘獲登龍門  
賓客之後塵與聞黃鍾大呂之重平時之願至足於  
此則今日狂率之意無乃自爲他時之地哉至於良  
玉武夫雜然前陳茲固不免於罪戾尙可追耶東吳  
陳三聘夢啟謹書

南  
澗  
詩  
餘



南澗詩餘目錄

點絳脣

霜天曉角 二

減字木蘭花 二

謁金門 二

秦樓月

賀聖朝

燕歸梁

浪淘沙 三

虞美人 四

南鄉子 二

南目

一翦梅

江神子 二

水調歌頭 七

念奴嬌 四

瑞鶴仙

水龍吟

永遇樂

醉落魄

臨江仙

驀山溪

鷓鴣天

浣溪沙

菩薩蠻 六

訴衷情

好事近 二

朝中措

西江月 二

南柯子 二

鷓鴣天 三

夜行船

醉落魄 二

臨江仙 二

滿江紅 三

醉蓬萊

水龍吟 二

薄倖

好事近

六州歌頭

南柯子

水龍吟

南鄉子

鵲橋仙

朝中措  
醉落魄

二

瑞鶴仙

南  
目

二



南淵詩餘

潁川 韓元吉 无咎

點絳脣 十月桃花

木落霜濃探春只道梅花未嫩紅相倚灼灼新妝賦

莫問仙源且問花前事休辭醉想君園口總是生春地

浣溪沙 次韻曾吉甫席上

莫惜清樽領客同已無花伴舞衣紅強歌歸去莫怱怱

細雨弄煙煙弄日斷雲黏水水黏空醪醖飛下晚來

風

霜天曉角 蛾眉亭

倚天絕壁直下江千尺天際兩蛾凝黛愁與恨幾時極

南

怒潮風正急酒醒聞塞笛試問謫仙何處青山外遠

煙碧

又夜飲武將家有歌霜天曉角者聲調淒婉戲為賦之

幾聲殘角月照梅花薄花下有人同醉風滿檻波明閣

夜寂香透幕酒深寒未著莫把玉肌相映愁花見也

羞落

菩薩蠻 青陽道中

春殘日日風和雨煙江目斷春無處山路有黃鸝背人

相喚飛 解鞍宿酒醒敲枕殘香冷夢想小亭東 薔薇

何似紅

又臘梅

江南雪裏花如玉風流越樣新裝束恰恰縷金裳濃熏  
百和香 分明籬菊豔卻作妝梅面無處柰君何一枝  
春更多

又夜宿余家樓聞笛聲

薄雲卷雨涼成陣雨晴陡覺荷香潤波影澹寒星水邊  
鐙火明 白蘋洲上路幾度來還去敲枕恨茫茫笛聲  
依夜長

又鄭舜舉別席侑觴

詔書昨夜先春到留公一共梅花笑青瑣鳳凰池十年  
歸已遲 靈溪霜後水的的清無比似使君清要知  
清更明

南

又春歸

牆根新筍看成竹青梅老盡櫻桃熟幽□幾多花落紅  
成暮霞 閉門風又雨只道春歸去媚臉笑持杯卻驚  
春思回

又葉丞相園賞木犀次韻子□

梧桐葉上秋蕭瑟畫闌桂樹攢金碧花底最風流相逢  
不上樓 數枝添寶髻滴香沾袂杯到莫留殘霧窗

疑廣寒

減字木蘭花雪中集醉高樓

壺中春早翦刻工夫天自巧雨轉風斜吹作千林到處  
花 瑤池清淺璧月瓊枝朝暮見莫上扁舟且醉仙家

白玉樓

又次韻趙倅

風梳雨洗玉闕瓊樓何處是萬里秋容喚起嫦娥酒未  
中相逢且醉忙裏偷閒知有幾況自豐年須信金華  
別是天

訴衷情木犀

疏疏密密未開時裝點最繁枝分明占斷秋思一任曉  
風吹金縷細翠綃垂畫闌西嫦娥也道一種幽香幾  
處相宜

謁金門春雪

春尙淺誰把玉英裁翦儘道梅梢開未徧卷簾花滿院

南

三

樓上酒融歌暖樓下水平煙遠卻似湧金門外見絮

飛波影亂

又重午

幽檻暑又是一年重午獵獵風蒲吹翠羽楚天梅熟雨  
往事瀟湘南浦魂斷畫船簫鼓雙葉石榴紅半吐倩  
君聊寄與

好事近辛幼安席上

華屋翠雲深雲外晚山千疊眼底無窮春事對楊枝桃  
葉老來沈醉爲花狂霜鬢未須鑷幾許夜闌清夢任

翻成胡蝶

又鄭德與家留飯

秋意滿芙蓉紅映小園叢竹風裏鳳簫聲颺有新妝明  
玉詩翁相對兩悠然一醉繞黃菊目盡晚山橫處共  
修眉爭綠

秦樓月次韻陳子象

鶯聲寂春風欲去難蹤迹難蹤迹幾枝紅藥黃金消得  
一青銅鏡裏朱闌側照人也似傾城色傾城色一樽莫  
負賞心良夕

朝中措辛丑重陽日劉守招飲石龍亭追錄

危亭崛起臥蒼龍絕景畫圖中便作龍山高會千年樂  
事能同使君宴處丹楓影澹黃香濃不惜歸鞍照  
月直教破帽吹風

賀聖朝送天與

斜陽只向花梢駐似愁君西去清歌也便做陽關更朝  
來風雨佳人莫道一杯須近總眉峰偷聚明年歸詔  
上鸞臺記別離難處

西江月閩重陽

一度難逢佳節今年兩度重陽菊花猶折御衣黃莫惜  
危亭更上況有飛觴灑玉從教醉帽吹香興來相與  
共清狂頻把新詞細唱

又春歸

山路冥冥雨暗溪橋陣陣花飛一年寂寂又春歸白髮  
自驚塵世不惜障泥渡水且尋團扇題詩杜鵑休繞

暮煙嗁我欲風前重醉

燕歸梁木犀

涼月圓時翠帳深鎖非霧沈沈廣寒宮裏未歸人共結  
屋住黃金繁枝未老秋光澹好風露總關心天香不  
奈遠相尋更翦巧上瑤簪

南柯子次韻姚提點行可席上見貽

急雨朝來過濃雲晚半收荷香便傍酒樽浮極目澹煙  
斜照滿芳洲消盡人間暑翻成一段秋使星南楚轉  
東甌只恐禁林歸詔未容留

又廣德道中遇重午

野杏搏枝熟戎葵抱葉開村村蕭鼓畫船回客裏不知

南

五

時節又相催角黍堆冰碗兵符點翠釵去年今日共  
傳杯應撚榴花獨立望歸來

浪淘沙覺度寺

席地賞殘紅少駐孤蓬一春不奈雨和風雨自無情風  
有恨花片西東雲澹遠峰濃綠徧高柯神仙知在此  
山中萬古消凝多少事目盡晴空

又趙富文席上

倦客怕離歌春已無多閒愁須倩酒消磨風雨纔晴今  
夜月不醉如何玉筍灩金荷情在雙蛾二年能得幾  
經過花滿碧谿歸棹遠回首煙波

又芍藥

鷓鴣怨花殘誰道春闌多情紅藥待君看濃澹曉妝新  
意態獨占西園風葉萬枝繁猶記平山五雲樓映玉  
成盤二十四橋明月下誰凭朱闌

鷓鴣天雪

山繞江城臘又殘朔風垂地雪成團莫將帶雨梨花認  
且作臨風柳絮看煙杳渺路瀾漫千林猶待月爭寒  
憑君細酌羔兒酒倚徧瓊樓十二闌

又九日雙溪樓

不惜黃花插滿頭花應卻爲老人羞年年九日常拚醉  
處處登高莫浪愁酬美景駐清秋綠橙香嫩酒初浮  
多情雨後雙谿水紅滿斜陽自在流

南

六

又九日登赤松絕頂

老去休驚節物催菊花端的爲君開攜壺幸有齊山客  
懷古還如單父臺松掩映水縈回使君強健得重來  
不須細把茱萸看且盡豐年酒一杯

虞美人送韓子師

西風斜日蘭皋路碧嶂連紅樹天公也自惜君行小雨  
霏霏特地不成晴滿城桃李春來處我老君宜住莫  
驚華髮笑相扶記取他年同姓兩尙書

又懷金華九日寄葉丞相

登臨自古騷人事慘慄天涯意金華峰頂做重陽月地  
千尋風裏萬枝香相君攜客相應記幾處容狂醉雙

溪明月亂山青飛夢時猶在最高亭

又七夕

煙霄脈脈停機杼雙鵲飛來語踏歌聲轉玉鉤斜好是  
滿天風露一池花離多會少從來有不似人閒久歡  
情誰道隔年遲須信仙家日月未多時

又葉夢錫園十月海棠盛開

詔書昨夜催春到綠野花爭早幾枝先見海棠開全勝  
隴頭衝雪寄江梅破寒滴滴嬌如醉不比春饒睡萬  
紅千紫莫嫌遲看取滿城花送袞衣歸

夜行船再至東陽有歌予往歲重九詞者

極目高亭橫遠岫拂新晴黛蛾依舊策馬重來秋光如

四

七

□霜滿翠梧高柳菊美橙香還對酒□□□那時重  
九樓上清風谿頭明月不道沈郎消瘦

南鄉子龍眼未聞有詩詞者戲爲賦之

江路木犀天梨棗吹風樹樹懸只道荔枝無驛使依然  
贏得驪珠萬顆傳香露滴芳鮮並蒂連枝照綺筵驚  
走梧桐雙睡鵲應憐腰底黃金作彈圓

又中秋前一日飲趙信申家

細雨弄中秋雨歇煙霄玉鏡流喚起佳人橫玉笛凝眸  
收拾風光上小樓爛醉拚扶頭明日陰晴且漫愁二  
十四橋何處是悠悠忍對嫦娥說舊遊  
醉落魄務觀席上索賦

樓頭晚鼓佳人莫唱黃金縷良宵燈火還三五腸斷扁舟明日江南去離觴欲醉誰能許風前蝶鬧蜂兒舞明年此夜知何處且插梅花同聽畫檐雨

又戊戌重陽龍山會別

菊花又折今年真是龍山客杯行澹澹新醅白一醉相歡莫便話離惻從教破帽頻敲側樓頭霜樹明秋色憑高待把疏星摘天近風清不怕暮雲隔

一翦梅葉夢錫席上

竹裏疏枝總是梅月白霜清猶未全開相逢聊與著詩催要趁金波滿泛金杯多病慚非作賦才醉到花前探得春回明年公已在鸞臺看取春風丹詔重來

南

八

臨江仙次韻子雲中秋

記得年時離別夜都門強半清秋今年想望只鄰州星連南極動月滿大江流芸閣老仙多妙語雲階清夢曾遊屐聲還認庾公樓金波搖酒面河影墮簾鉤

又寄張安國

自古文章賢太守江南只數蘇州而今太守更風流熏香開畫閣迎月上西樓見說宮妝高髻擁司空卻是遨頭五湖莫便具扁舟玉堂紅蕊在還勝百花洲

江神子建安縣戲趙德莊

十年此地看花時醉題詩夜彈棋湖海相逢曾共惜芳菲前度劉郎今度客嗟老矣鬢成絲江梅吹盡柳橋



西雪紛飛畫船移滿眼青山依舊帶寒谿往事如雲無處問雲外月也應知

又金山會飲

金銀樓閣認蓬萊曉煙開上崔嵬風引孤帆誰道卻船回鵬翼倚天翬背穩驚浪起雪成堆人翩翩黃鶴爲誰來醉持杯共徘徊四面江聲腳底隱晴雷織女機頭憑借問何處更有瓊臺

滿江紅

丁亥示龐祐甫

梅欲開時君欲去花誰同折應悵望江津千樹晚煙明雪花似故人相見好人如塞雁多離別待留君重看水邊花花邊月臺城路山如闕追往事傷時節但春風

南

九

春雨古人愁絕多少揚州詩興在直須清夢翻胡蝶問他年誰記飲中仙花應說

又自鹿田山橋小集潛嶽寺坐中酬陳子象詞

寂寞山城春已半好花都折無奈向陰晴不定冷煙寒食莫問花殘風又雨且須爛醉酬春色歎使君華髮又重來人應識丹井畔山橋側空翠裏煙如織便直教馬上醉中沾濕丞相車茵端未惜孟公好客聊爲客算明年谿路海棠開還相憶

又再至丹陽每懷務觀有歌其所製者因用其韻示王

季夷章冠之

江繞層城重樓迴依然山色□□有佳人猶記舊家離

別把酒只如當日醉揮毫  
賸欠樽前客算平林有恨寄  
傷心煙如織湖平樹花連  
陌風景是光陰易歎新聲  
渾在斷雲難覓暮雨不成  
巫峽夢數峰還認湘波瑟  
但與君同看小槽紅真珠滴

水調歌頭席上次韻王德和

世事不須問我老但宜仙  
南谿一曲獨對蒼翠與孱顏  
月白風清長夏醉裏相逢  
林下欲辨已忘言無客問生  
死有竹報平安少年期功名  
事覓燕然如今憔悴蕭蕭  
蕭華髮抱塵編萬里蓬萊  
歸路一醉瑤臺風露因酒得  
全天笑指雲階夢今夕是何年

又七月六日與范至能會飲垂虹是時至能赴括蒼余

兩

一

以九江命造朝至能索賦

江路曉來雨殘暑夜全消  
人言天上今夕飛鵲漸成橋  
杳杳雲車何處脈脈紅蕖  
香度瓜果趁良宵推枕斷虹  
卷撫檻白魚跳五湖客臨  
風露倚蘭苕雲濤四起極  
目人世有煙霄我送君舟  
西渡君望我帆南浦明日恨  
迢迢且醉吳淞月重聽浙江潮

又寄陸務觀

明月照多景一話九經年  
故人何在依約蜀道倚青天  
豪氣如今誰在賸對岷峨  
山水落紙起雲煙應有陽臺  
女來壽飲中仙相如賦王  
褒頌子雲玄蘭臺麟閣早  
晚飛詔下甘泉夢繞神州  
歸路卻趁雞鳴起舞餘事勒

燕然白首待君老同泛五湖船

又次韻子雲惠山見寄

激激桂華滿搖落楚江秋去年今夜相望千里一扁舟  
滿目都門風露離別淒涼幾度霜雪漸盈頭山水最佳  
處常恨不同遊少年約談笑事取封侯田園歸晚休  
問適不用吾謀身外功名何處屈指如今老去無夢到  
金甌賸買五湖月吹笛下滄洲

又水口洞

今日俄重九莫負菊花開試尋高處攜手躡屐上崔嵬  
放目蒼巖千仞雲護曉霜成陣知我與君來古寺倚修  
竹飛檻絕纖埃笑談閒風滿座酒盈杯仙人跨海休

南

十一

問隨處是蓬萊

洞有仙骨巖

落日平原西望鼓角秋深悲壯

戲馬但荒臺細把茱萸看一醉且徘徊

又雨花臺

澤國又秋晚天際有飛鴻中原何在極目千里暮雲重  
今古長干橋下遺恨都隨流水西去幾時東斜日動歌  
管奠菊舞西風江南岸淮南渡草連空石城潮落寂  
寞煙樹鎖離宮且鬪樽前酒美莫問樓頭佳麗往事有  
無中卻笑東山老擁鼻與誰同

又和龐祐甫見寄

落日澹芳草煙際一鷗浮西湖好處君去千里爲誰留  
坐想敬亭山下竹映一谿寒水飛蓋共追遊況有樽前

客相對兩詩流 笑談閒風滿座氣橫秋平生壯志長  
嘯起舞看吳鉤紅白山花開謝半醉半醒時節春去子  
規愁夢繞水西寺回首謝公樓

醉蓬萊次韻張子永同飲謝德真家

聽清歌初轉翠嶺雲橫乍飛還駐水落秋明正千巖呈  
露況有賓朋飄然才調盡凌空鷗鷺步繞西疇同尋南  
澗郊原新雨 好客聲名鄭莊風韻松菊栽成故俟瓜  
圃燕去鴻來笑人生離聚老子偷閒愛君三徑共一樽  
芳醕待約梅仙他年丹就騎鯨飛去

念奴嬌中秋攜兒輩步月至極目亭寄懷子雲兄

去年秋半正都門結束相將離別潏潏雙谿新雁過重

南

三

見當時明月步轉高樓淒涼看鏡綠鬢紛成雪晚晴煙  
樹傍人飛下紅葉 還記江浦潮生雲濤天際涌金波  
一色千里相望渾似夢極目空山圍碧醉拍朱闌滿簷  
丹桂細與姮娥說倚風孤嘯恍然身在瑤闕

又再用韻答韓子師

定交最早歎西津幾度恩恩論別世事浮雲山萬變只  
有滄江橫月長憶追隨湖山好處醉帽敲風雪竹陰花  
徑興來題盡桐葉 誰憶此地相逢鬢毛君未白眉添  
黃色屈指煙霄歸詔近路入龍樓金碧千載功名一樽  
歡笑會作他年說倚天長劒夜寒光透銀闕

又次陸務觀見貽念奴嬌韻

湖山泥影弄晴絲目送天涯鴻鵠春水移船花似霧醉  
裏題詩刻燭離別經年相逢猶健底恨光陰速壯懷渾  
在浩然起舞相屬長記入洛聲名風流觴詠有蘭亭  
修竹絕唱人閒知不零落金貂誰續北固煙鐘西州  
雪岸且共杯中綠紫臺青瑣看君歸上羣玉

又次韻

春來離思正樓臺燈火香凝金戟楊子江頭嘶擁楊  
柳花飛留客枚乘聲名謫仙風韻更賦長相憶酒闌相  
顧起看月墮寒壁樽前誰唱新詞平林真有恨寒煙  
如織燕雁橫空梅蕊亂醉裏隔江聞笛白髮逢春湖山  
好在一笑千金直待君歸詔買船重話疇昔

南

三

水龍吟 谿中有浣衣石

亂山深處逢春斷魂更入桃源路雙翠羽濺濺流水  
濛濛香霧花裏鶯啼水邊人去落紅無數恨劉郎鬢點  
星星華髮空回首傷春暮寂寞雲間洞戶問當年佳  
期何處虹橋望斷瓊樓深鎖如今誰住絲滿千巖浣衣  
石上倚風凝竚料多情好在也應笑我卻慙恩去

又夜宿化城得張安國長短句戲用其韻

五谿深鎖煙霞定知不是人閒世軒然九老排雲一笑  
蒼顏相對星斗垂空月華隨步酒醒無寐廣寒已近  
嫦娥起舞天風動搖丹桂極目塵霄如洗正千巖稜  
稜霜氣飛泉半落蒼崖百仞珠翻玉碎金衲松成葛洪

丹就如今千載歎謫仙詩在騎驢未遠且留君醉

瑞鶴仙送王季夷

西風吹暮雨正碧樹涼生送君南浦蟬聲帶殘暑滿高  
林斜照暝煙橫渚故鄉路阻更秋入江城雁渡悵天涯  
幾許閒愁對酒共成羈旅 休問功名何在綠鬢吳霜  
素衣塵土離觴緩舉收玉筯聽金縷歎凌雲才調烏絲  
闌上省把清詩漫與見洛陽年少交遊倩君寄語

薄倖送安伯弟

送君南浦對煙柳青青萬縷更滿眼殘紅吹盡葉底黃  
鷗自語甚動人多少離情樓頭水闊山無數記竹裏題  
詩花邊載酒魂斷江干春暮 都莫問功名事白髮漸

南

西

星星如許任雞鳴起舞鄉關何在憑高目盡孤鴻去漫  
留君住趁醱醑香暖持杯且醉瑤臺露相思記取愁絕

西窗夜雨

右六十四首並見南澗甲乙稿卷七

水龍吟題三峰閣詠英華女子

雨餘疊巘浮空望中秀色仙都是洞天未鎖人閒春老  
玉妃曾墜錦瑟繁絃鳳簫清響九霄歌吹問分香舊事  
劉郎去後知誰伴風前醉 回首暝煙千里但紛紛落  
紅如淚多情易老青鸞何許詩成誰寄斗轉參橫半簾  
花影一谿寒水悵飛鳧路杳行雲夢斷有三峰翠右一從

花菴詞

選錄補

好事近 汴京賜宴聞教坊樂有感

凝碧舊池頭一聽管絃淒切多少梨園聲在總不堪華  
髮杏花無處避春愁也傍野煙發惟有御溝聲斷似  
知人嗚咽

永遇樂爲張安國賦

池館春歸簾櫳畫靜清漏移箭山下孤城水邊翠竹鶻  
鳩聲干轉記得年時綺窗人去尚有垂葺遺線照珠筵  
歌檀舞扇寂寞舊家排徧青雲賦客多情多病西掖  
桐陰滿院飛絮隨風馬頭月在翡翠帷空卷平湖煙遠  
斜橋雨暗欲寄短書雙燕算猶憶蘭房畫燭醉時共翦  
六州歌頭桃花

東風著意先上小桃枝紅粉膩嬌如醉倚朱扉記年時

丙

五

隱映新妝面臨水岸春將半雲日暖斜橋轉夾城西草  
軟莎平跋馬垂楊渡玉勒爭嘶認蛾眉凝笑臉薄拂燕  
支繡戶曾窺恨依依共攜手處香如霧紅隨步怨春  
遲銷瘦損憑誰問只花知淚空垂舊日堂前燕和煙雨  
又雙飛人自老春長好夢佳期前度劉郎幾許風流地  
花也應悲但茫茫暮靄日斷武陵谿往事難追

白雲  
錄補

醉落魄荔枝

霓裳弄口冰肥不受人間熱分明密露枝枝結碧樹珊  
瑚容易與君折玉環舊事誰能說迢迢驛路香風徹  
故人莫恨東南別不寄梅花千里寄紅雪

南柯子玉簪

五月炎州路千重撲地開只疑標韻是江梅不道薰風  
庭院雪成堆寶髻瓊瑤綴仙衣翡翠裁一枝長伴荔  
枝來付與玉人和笑插鸞釵

臨江仙醮醮

不恨綠陰桃李過醮醮正向人開一樽清夜月徘徊花  
如人意好月爲此花來未信人閒香有許卻疑同住  
瑤臺紛紛殘雪墮深杯直教攀折盡猶勝酒醒回

右三首從

全芳備  
祖錄補

水龍吟壽辛侍郎

南風五月江波使君莫袖平戎手燕然未勒渡瀘聲在

南

一六

宸衷懷舊臥占湖山樓橫百尺詩成千首正菖蒲葉老  
芙蓉香嫩高門瑞人知否涼夜光躡牛斗夢初回長  
庚如畫明年看取蠶旗南下六羸西走功畫凌煙萬釘  
寶帶百壺清酒便留公賸馥蟠桃分我作歸來壽

驀山溪葉尙書生朝避客三洞

雙龍古洞領略千巖秀福地有真仙來一試調元口手  
青春綠野月轉最高峰星斗潤柳梅新五夜收燈後  
詔飛天上人倚經綸舊重入輔升平更羸得千齡眉壽  
功成未晚歸伴赤松遊金印重羽衣輕會見丹砂就

南鄉子壽二十弟

新筍旋成林梅子枝頭雨更深織就綵絲猶十日登臨



人以江心百鍊金 功業會相尋  
好挹薰風和舜琴 鶴住千年丹九轉  
如今門外梧桐長翠陰

鷓鴣天壽兄六十

甲子今年甫一周 人閒聊住八千秋  
依依梅蘂看如雪 恰恰蟾華未上鉤  
分玉節共南州 臺城輦路記重遊  
相期一品歸來健 兄弟華顛自獻酬

鵲橋仙

菊花黃後山茶紅 透南國小春時候  
蓬山高處綠雲閒 有一箇仙官誕秀  
精神龜媚骨毛鶴瘦 落落人中星

斗殷勤自折早梅芳 調一鼎和羹爲壽

朝中措壽十八兄

南

七

清霜著柳夜來寒 新月印湖山  
共喜今年稱壽一樽還 在長安  
人閒千載從教鶴髮且駐朱顏  
看取煙霄平步何須九轉神丹

瑞鶴仙自壽

好山橫翠幕 更一水流煙嫩  
陰成幄薰風轉林薄 笑勞生底事  
漫嗟離索 霞觴細酌 儘流年青鏡  
易覺芙蓉玉井香 翻不減舊階紅藥  
寂寞草玄空老問字人稀 也勝投閣騎鯨後  
約追汗漫記寥廓 便風帆高挂雲濤 千里誰道蓬壺水弱  
任蟠桃滿路千花自開白落

醉落魄

乙未自壽

紅蕖漾月薰風特地生 梧葉一年風月今宵別  
隱隱笙

鸞何處有炎熟 鳳凰山下榴花發 一杯香露融春雪  
帳亭有路通瑤闕 知我丹成容我醉時節

又生日自戲

相看半百勞生等 是乾坤客功成一笑驚頭白 惟有榴  
花相對似顏色 蓬萊水淺何曾隔也 應待得蟠桃摘  
我歌欲和君須拍風月 年年常恨酒杯窄

右九首從截  
江網錄補

南

大

漢  
濱  
詩  
餘



漢濱詩餘目錄

浣溪沙

菩薩蠻

好事近

減字木蘭花

醜奴兒

惜分飛

醉花陰

鷓鴣天

虞美人

小重山

臨江仙

洞仙歌

滿庭芳

念奴嬌

永遇樂

風流子

漢目

永遇樂

風流子

滿庭芳

念奴嬌

臨江仙

鷓鴣天

虞美人

小重山

醉花陰

醜奴兒

好事近

菩薩蠻

浣溪沙

減字木蘭花

虞美人

鷓鴣天

漢濱詩餘目錄

漢濱詩餘

穀城 王之望 瞻叔

浣溪沙和無倒韻

嬾向沙頭醉玉瓶  
喚君同賞小窗明  
夕陽吹角最關情  
忙日苦多閒日少  
新愁常續舊愁生  
客中無伴怕君行

菩薩蠻和錢處和上元

華燈的皜明金碧  
玳筵劇飲杯餘濕  
珠翠隔房櫳  
微聞笑語通  
蓬瀛知己近  
青鳥仍傳信  
應爲整雲鬢  
教儂

倒玉山

好事近和侯監丞

漢

五載復相逢  
俱被一官驅役  
驚我雪髯霜鬢  
只聲香相識  
翠帷珍重  
出笙歌醉遲遲  
春日親到鵲橋津  
畔見天機停織

又

綵艦載娉婷  
宛在玉樓瓊宇  
人欲御風仙去  
覺衣裳飄舉  
玉京咫尺  
是藍橋一見已心許  
夢解漢皋珠佩但茫茫煙浦

又和榮大監

緩帶撫雄邊  
一面滅烽  
休役歌舞後  
堂高宴喜傾城初識  
紅綾小研寫新詞  
佳句麗星日從此錦城機杼把  
回文休織

又

清唱動梁塵  
窈窕夜深庭宇一  
笑滿斟芳酒看霞觴爭  
舉  
弓韉三寸坐中傾  
驚歎小如許子建向來能賦過  
凌波仙浦

又成都賞山茶用路漕韻

蕭寺兩株紅欲共  
曉霞爭色獨占歲寒天氣正  
羣芳休  
息  
坐中清唱並陽春  
寫物妙詩格霜鬢自羞簪帽歎  
如何拋得

減字木蘭花代人戲贈

珠簾乍見雲雨無蹤  
空有怨錦字新詞青鳥銜來惱暗  
期  
桃溪得路直到仙家留客處  
今日東鄰遠憶當年

漢

二

窺宋人

又恭人生日

糟糠相樂早共梁鴻同  
隱約著籍天門隔品新封感帝  
恩  
滿堂兒女婦捧金杯孫屢舞白髮  
卿卿與爾尊前  
作壽星

醜奴兒寄齊堯佐

蒙泉秋色登臨處  
愁送將歸一夢經時腸斷佳人猶唱  
渭城詞  
春來重醉分攜地人在天涯  
別後應知兩鬢  
蕭蕭多半已成絲

又寄李德志

去年池館同君醉  
正是花時隔院韶輝桃李欣欣如與

故人期 相望兩地今千里  
還對芳菲春色分誰雨慘  
風愁依舊可憐枝

惜分飛別妓

要眇新聲生寶柱  
彈到離腸斷處細落檐花  
雨夜闌清唱行雲住  
洞府春長還易暮  
凡客暫來終去不忍回  
頭覩亂山流水桃溪路

醉花陰生日

孤門此日猶能記  
歎居諸難繫彈指  
片聲中不覺流年  
五十還加二  
兒童壽酒邀翁醉  
笑欣欣相戲休畫老  
人星白髮蒼髯怎解如翁似

鷓鴣天 台州倚江亭卽席和李舉之時曹功顯賀子忱

漢

三

同坐

撩亂江雲雪欲飛  
小軒幽會酒行時  
佳人喜得鴛鴦侶  
豪客爭題鸚鵡詞  
歌舞地喜追隨  
歛州端恨外遷遲  
謫仙狂監從來識  
七步初看子建詩

虞美人 石光錫會上卽席和李舉之韻

鴛鴦碧玉寒留雪  
玉樹先春發小樓  
歌舞夜流連月落  
參橫一夢繞梅邊  
尊前酒量誰能惜  
都是高陽客  
十分莫厭羽觴傳  
半醉娉婷雲鬢金鈿

小重山 成都上元席上用權帥許覺民韻

冪冪輕雲護曉霜  
銀花千萬朵爛韶光  
寶山金字屢更  
張笙簫遠簾幙闕重廊  
車馬暗塵香  
一邦如蜡日盡

豪狂遊人歸路笑聲長長歌裏擊壤詠陶唐

臨江仙贈妓

十二峰前朝復暮忽愁望斷行雲夢回江浦曉風清遠  
山思翠黛蔓草記羅裙錦字織成千萬恨翻成第入  
新聲幽期誰爲反離魂主人無浪語狂客最鍾情

又贈賀子忱二侍妾二首

霓作衣裳冰作面鉛華不洗天真臨風幾待逐行雲自  
從留得住不肯繫仙裙對客揮毫驚滿座銀鉤蠶尾  
爭新數行草聖妙如神從今王逸少不學衛夫人

又

家在蓬萊山下住乘風時到塵寰雙鳧偶墮網羅閒驚

漢

四

容凝粉淚愁鬢亂雲鬢人世風波難久駐雲霞終反  
仙關虛無仙路擁歸鸞卻隨煙霧去長向洞天閒

洞仙歌范丞相夫人生日

玉樓玄圃舊是神仙伴鳴佩時朝紫皇殿種蟠桃成樹  
碧柰開花著子滿金母盤中屢獻飄然乘彩鳳東望

蓬萊曾共扁舟五湖泛正珈笄未老蘭玉盈前春欲轉  
喜對芳辰開宴願綠髮朱顏鎮長新教歲歲年年壽觴

深勸

滿庭芳前題

海國寒輕江南春早小梅已漏芳妍歲前冬後和氣欲  
回旋此際瑤臺閬苑仙人下白玉雲駟人閒世風帆月



棹同泛五湖船 當年參謁地魚軒象服鏘佩朝天向  
閩邦開國福地眞傳今日華筵壽聿兒孫擁蘭玉相鮮  
休辭口蓬萊清淺看取變桑田

又賜茶

犀隱彫龍蟾將威鳳建溪初貢新芽九天春色先到列  
仙家今日磨圭碎璧天香動風入窗紗清泉嫩江南錫  
乳一脈貫天涯 芳華瑤圃宴羣眞飛佩同引流霞醉  
瓊筵紅綠眼亂繁花一椀分雲飲露塵凡盡牛斗何賒  
歸途穩清飆兩腋不用泛靈槎

念奴嬌坐上和何司戶

堂堂七尺懷一時人物孤映三蜀閒雅風流豪醉後猶

漢

五

有臨邛遺俗十載虞庠一官楚塞雅操凌寒玉江山千  
里惠然來慰幽獨 落筆妙語如神兩章入手不覺珠  
盈掬從此西歸榮耀處寧假華旌高纛樂府新聲郢都  
餘唱應紀陽春曲老夫一醉故人高義堪服

又荆門軍宋簽判陶教授許尉同坐

蒙泉歲晚偶扁舟同泛一池寒淥四者難并誰信道草  
草幽歡能足美景良辰賞心樂事更有人如玉今宵此  
會陋邦驚破衰俗 豪俊傅粉諸孫幾年分袂一笑還  
相逐痛飲厭厭清夜永那管更深催促宋玉詞章陶潛  
風概况繼前賢躡故人未至座中仍對梅福

又別妓

柳花飛絮又還是清明寂寞時節洞府人閒嗟素手今日  
日恩恩分拆巧笑難成含情誰解顧影無顏色風流滿  
面卻成春恨悽惻雲鬢從鞞金蟬紛紛紅淚千點胭  
脂濕聚調輕盈離調慘聲入低空愁碧祖帳將收驪駒  
欲駕去也勞相憶傷心南浦斷腸芳草如積

永遇樂和錢處和上元

元夜風光上都燈火輝映春色鼈冠仙山龍銜瑞燭銀  
闕凌空碧紫煙深擁黃雲孤起人喜乍瞻天日○雲裏  
○○○○侍臣○○鵠立霧收霞捲珠簾開徧翠幙  
娉婷爭出傾國叢中鈞天合處忽聽鳴清蹕貂裘小帽  
隨車信馬猶憶少年豪逸如今對山城皓月但餘歎息

漢

六

風流子范覺民生日

江國東風早芳菲又迤邐報寒梅正元氣孕和小春歸  
候數丁千載喜動三台向此際上天開景運玉國產英  
材想崇嶽洞天暗書苔蘚海山煙雨空鎖樓臺○煌煌  
天人表瓊林與瑤樹照映庭槐中有麗天星斗驚世風  
雷況朱顏綠髮年光鼎盛繡裳華袞人望歸來好對玳  
筵滿舉眉壽觥

